

傷寒準繩卷之三

少陽病

胃實不大便不得卧 自汗 潮熱 識語
 狂亂 循衣摸牀 渴 嘔 胸滿
 口苦咽乾 眩 往來寒熱 脇滿痛 胸滿
 胸痛 耳聾 陽毒

| | | | |
|----|---|---|---|
| 庫 | 文 | 閣 | 內 |
| 三〇 | 二 | 七 | 九 |
| 函 | 冊 | 號 | 類 |

| | | |
|-------|-----|-----|
| 漢書門 | 一二五 | 三四九 |
| 冊架函號類 | 七八三 | 〇九 |

| | | | |
|------|----|-----------|-------|
| 內閣文庫 | 番號 | 漢 | 12549 |
| | 冊數 | 78 (30) | |
| | 函號 | 301 | 62 |



傷寒證治準繩帙之三

金壇王肯堂輯 門人南昌張 緯校

陽明病 胃實不大便 自汗 不得卧 潮熱

譫語 狂亂 循衣摸牀 渴 嘔 乾嘔

黃陽明之為病胃家實是也謂之正陽陽明屬下證輕則大柴胡重則大小承氣此邪自陽明經傳入府者經曰陽明病脈遲雖汗出不惡寒者其身必重短氣腹滿有潮熱者此欲解可攻裏也手足濇然汗出者此是大便已鞭也大承氣主之若汗多微發熱惡寒者外未解也其熱不潮未可與承氣湯若腹滿不通者可與小承

傷寒陽明病
氣湯微和胃氣勿令大泄下謂陽明亦有在經者未全
入府猶宜解外縱有大滿大府不通亦不過小承氣微
下之入胃在經猶宜兩審也其陽明一證少有自病多
因太陽傳入兼與太陽陽明合病用葛根湯者是也少
陽陽明合病用黃芩芍藥湯者是也自少陽傳入陽明
及未合併病者亦然
陽明經治法有汗吐下溫和解刺

汗

桂枝湯

麻黃湯

五苓散

此亦作汗劑

麻黃連軹赤小豆湯

吐

梔子豉湯

下

調胃承氣湯

大承氣湯

抵當湯

麻仁丸

茵陳蒿湯

小承氣湯

溫

吳茱萸湯

四逆湯

和解

白虎湯

白虎加人參湯

猪苓湯

小柴胡湯

蜜道煎

猪膽汁

瓜根

梔子檉皮湯

刺

熱入血室刺期門

問曰病有大陽陽明有正陽陽明有少陽陽明何謂也

答曰太陽陽明者脾約是也經曰脾約者浮而濇浮則

相搏大便則難其脾為約也胃氣強濇則小便數浮濇

日發汗不解蒸蒸發熱者屬胃也謂胃承氣湯主之正

陽陽明者胃家實是也少陽陽明者發汗利小便已胃

中燥煩熱大便難是也宜小承氣湯微溏之蓋少陽復

入太陽經酒洗入陽明經病之高下全在酒之多少以

引之耳又按太陽陽明正陽陽明承氣湯中俱用酒浸

惟少陽陽明為下經故小承氣湯中不用酒浸也以此

推之則太陽陽明當用調胃承氣湯蓋以調胃承氣既

附在太陽篇中而大黃下註曰酒浸正陽陽明當用大

承氣其大黃註曰酒洗少陽陽明當用小承氣湯不惟

大黃不用酒浸洗而少陽禁汗下故法芒硝之峻劑而

且當少少與之也書此以駁成氏之誤又須識太陽陽

明脾約在少陽陽明又可大柴問曰何緣得陽明病

胡也又有說在不大便之條後答曰太陽病發汗若下若利小便此亡津液胃中乾燥

因轉屬陽明不更衣內實大便難者此名陽明也成本

病不解因發汗利小便亡津液胃中乾燥太陽之邪入

府轉屬陽明古人登廁必更衣不更衣者通為不大便

不更衣則胃中物不得泄故為內實胃無傷寒脈浮

津液加之畜熱大便則難為陽明裏實也而緩手足自溫者是繫在太陰太陰者身當發黃若小

便自利者不能發黃至七八日大便鞭者為陽明病也

足寒今手足自溫是知繫在太陰也太陰土也為邪蒸
之則色見於外當發身黃小便自利者熱不內蓄不能
發黃至七八日大便鞅者即陽明病也
○陽明病若能食名中風
不能食名中寒水穀不化陽明病以飲食別受風寒者以胃為
者能食寒為陰邪陰邪不殺穀故傷寒者不能食
○陽明病但頭眩不惡寒故

能食而欬其人必咽痛若不欬者咽不痛

○陽明病但頭眩不惡寒故
按目眩之眩
玄謂其眼中黑睛也頭眩之眩當作若藥不瞑眩之眩
訓之謂眩憤亂也謂其頭舉然憤亂而不寧也凡
皆當活看不可拘執也陽明病身不重痛但頭眩而不
惡寒者陽明中風而風氣上攻也經曰陽明病若能食
則咽傷故必咽痛若胃氣上逆則欬咽門者胃之系欬其
胃氣主嘔肺氣主欬成氏以胃氣上逆則欬恐非
蓋風邪侵肺也肺雖不為足經肺主氣風為氣類

陽明病不能食攻其熱必噦所以然者胃中虛冷故也

以其人本虛故攻其熱必噦

○陽明病脈遲食

難用飽飽則微煩頭眩必小便難此欲作穀疸雖下之

腹滿如故所以然者脈遲故也

有寒食難用飽飽則微煩而頭眩者穀氣與寒氣相搏
也寒熱相搏必小便難利者不能發黃言穀熱得泄也
小便不利則穀氣醞釀成熱不得泄出身必發黃疸黃
也以其發於穀氣之熱故名穀疸熱實者下之則愈脈
遲為寒故雖下之祇益其寒腹滿
○陽明病欲解時從

申至酉止

○陽明病面合赤色不可攻之必發熱

證不可攻也

色黃小便不利也

津液經中之熱乘虛入胃必發熱色黃小便不利也
張夫陽明病必近于可下但以面赤其熱猶在經故
云不可攻若攻之則經中之熱悉入于胃鬱
蓄而發黃色譬如下之太早成結胸之類
陽明病腹滿者為邪氣入府可下之心下鞭滿則邪氣
尚淺未全入府不可便下之得利止者為邪氣去正氣
安正氣安則愈若因下利不止者為
正氣脫而死尚淺淺字不如高字

心下鞭滿者不可攻之攻之利遂不止者死利止者愈
朝滿吐姑近以然皆用藥姑也
難用藥則難取也必小便難也
以其人本虛姑文其熱必熱
大便難 大便鞭 燥屎

胃實不大便 大便難 大便鞭 燥屎

成不大便大便難大便鞭燥屎悉屬裏證宜下者多矣
然而有表未罷風濕相搏尤宜先解表已而下之可也
如經曰傷寒不大便六七日頭疼有熱者小便清知不
在裏仍在表是也其證多見于陽明蓋胃土萬物所歸
無所復傳自太陽少陽傳入者眾所共知而於三陰傳
入者鮮或能識若能熟視其微則三陰有急下之證多
矣豈非仲景之微意歟
胃實有表者先解表傷寒不大便六七日頭痛有熱者
與承氣湯其小便清者知不在裏仍在表也須當發汗

無太陽 有汗桂枝

若頭痛者必衄宜桂枝湯

三時差舌易成不大便六七日頭痛有熱者故宜當下

小便清者知裏無熱則不可下經曰大便數者大便必更清十日無所苦也况此不大便六七日小便清者不可責邪在裏是仍在表也與桂枝湯以解外若頭痛不已為表不罷鬱甚于經迫血妄行上為衄也

謹按外證未解不可下下為逆今頭痛有熱宜解表反與承氣正是責其妄下之過也故下文又言小便清者知其無裏邪不當行承氣又繼之曰當須發汗曰頭痛必衄血宜桂枝湯反覆告戒論意甚明而註反直曰故當宜下想因六七日不大便爾雖不大便他無所苦候表解然後攻之正仲景法也註意似未瑩

明病脈浮無汗而喘者發汗則愈宜麻黃湯

陽明病脇下鞕滿大便不利而嘔舌上白胎者可與小柴胡湯

上焦得通津液得下胃氣因和身濺然汗出而解也

陽明病腹滿不大便舌上胎黃者為邪熱入府可下若脇下鞕滿雖不大便而嘔舌上白胎者為邪未入府在表裏

之間與小柴胡湯以和解之上焦得通則嘔止津液得下則胃氣因和汗出而解

脈弦浮大而短氣腹都滿脇下及心痛久按之氣不通

鼻乾不得汗嗜卧一身及面目悉黃小便難有潮熱時

時噦耳前後腫刺之小差外不解病過十日脈續浮者

與小柴胡湯脈但浮無餘證者與麻黃湯若不尿腹滿

加噦者不治

脈浮大為陽風在表也弦則為陰風在裏也短氣腹滿脇下及心痛風熱壅於腹中而不通也若寒客於內而痛者按之則寒氣散而痛止此以風熱內壅故雖久按而氣亦不通陽明病鼻乾不得卧自汗出者邪在表也此鼻乾不得汗而嗜卧者

風熱內攻不干表也一身及面目悉黃小便難有潮熱時時噦者風熱攻于胃也陽明之脈出大迎循頰車上耳過客主人熱勝則腫此風熱在經故耳前後腫刺之經氣通腫則小差如此者外證罷則可攻若外證不解雖過十日脈續浮者邪氣猶在半表半裏與小柴胡湯

陽明病

傷寒論卷之六
若其脉但浮而不弦又無諸裏證者是邪但在表也
與麻黃湯以發其汗若不尿腹滿加歲者關格之疾也
故云不治難經曰關格者不得盡其命而死

○口苦咽乾脉浮緊宜和陽明中風口苦咽乾腹滿微喘

發熱惡寒脉浮而緊若下之則腹滿小便難也發熱惡寒表未

解也而悞下之則亡陰無陰則陽無以化○陽明腹滿

故腹滿小便難也許學士云宜柴胡湯脉浮緊口苦咽乾而喘若發熱汗出不惡寒反惡熱身

重者忌發汗忌加燒針忌下論見後○陽明病脉浮而緊

者潮熱發作有時但浮者必盜汗出

○右胃家實不大便雖三尺之童亦知可下也殊不知

仲景之法雖有胃實證若表未解及有半表者亦先

用桂枝柴胡以解外然後視虛實消息之也

○胃實表解無證者忌攻大便鞭者導之陽明病自汗出

若發汗小便自利者此為津液內竭雖硬不可攻之當

須自欲大便時宜用蜜煎導而通之若土瓜根及入猪

膽汁皆可導之

○蜜煎導法

用蜜七合入銅器中微火熬稍凝似飴狀攪之勿令

焦候可丸以手捻作挺子令頭銳大如指長二寸許

乘熱急作之納穀道中用手急捺住欲大便時乃去

之○又猪膽汁方用大猪膽一箇瀉汁和醋少許和

傷寒胃實 中之三
勻灌入穀道中如飯時頃大便自去

便鞭無所苦者俟之太陽病寸緩關浮尺弱其人發熱

汗出復惡寒不嘔但心下痞者此以醫下之也如其不

下者病人不惡寒而渴此轉屬陽明也小便數者大便

必鞭不更衣十日無所苦也渴欲飲水少少與之但以

法救之渴者宜五苓散成太陽病脈浮陰弱為邪在表今寸緩關浮尺弱邪氣漸傳

裏則發熱汗出復惡寒者表未解也傳經之邪入裏裏

不和者必嘔此不嘔但心下痞者醫下之早邪氣留於

心下也如其不下者必漸不惡寒而渴太陽之邪轉屬

陽明也若吐若下若發汗後小便數大便鞭者當與小

便數少大便自出也渴欲飲水者少少與之以潤胃

氣但審邪氣所在以法救之如渴不止與五苓散是也

○張或問上條云小便數者大便必鞭不更衣十數日

無所苦也嘗有四五日六七日不大便者即為攻之今

言十日不更衣而不用攻伐何也曰此非結熱乃津液

不足雖十日不更衣亦無所苦也經曰陽明病本自汗

出醫更重發汗病已瘥尚微煩不了了者此大便必鞭

故也以亡津液胃中乾燥故令大便硬當問其小便日

幾行本小便日三四行今日再行故知大便不久出為

小便數少以津液當還胃中故知不久大便也夫不便

者若有潮熱譫語可下之證者然後可以攻之其不大

便而無諸下證者此津液不足當須自審慎勿以日數

久而輒為陽明病本自汗出醫更重發汗病已差尚

微煩不了了者此大便必鞭故也以亡津液胃中乾燥

故令大便鞭當問其小便日幾行若本小便日三四行

今日再行故知大便不久出今為小便數少以津液當

還入胃中故知不久必大便也

胃實表解有證者隨證攻之陽明病潮熱不大便六七日恐有燥糞欲知之法少與小承氣湯轉失氣者有燥屎可攻若不轉失氣者無燥屎不可攻方論見陽明病汗出大便鞭而讖語者宜小承氣湯方見不大便腹滿者宜下之若但繞臍痛者則為燥屎宜承氣湯若心下至小腹滿痛者則為結胸宜陷胸湯論見陽明病不吐不下心煩者可與調胃承氣湯成註吐後心煩謂之內煩下後心煩謂之虛煩今陽明病不吐不下心煩則是有鬱熱也與調胃承氣湯以下鬱熱○按陽明一證分為太陽陽正陽少陽三等而以調胃承氣湯下之者按本草曰大黃酒浸入太陽經酒洗入陽明經浸久於洗得酒氣為多故能引之於至高之分若物在山巖人迹不及必射以取之也故仲景以調胃承氣湯收入太陽門而大

黃丁注曰酒浸及詳其用本湯一則曰少少溫服二則曰當和胃氣與調胃承氣湯又詳本湯之證則曰不吐不下心煩者又發汗不解蒸蒸發熱又吐後腹脹滿是太陽陽明去表未遠其病在上不當攻下故宜緩劑以調和之也及至正陽陽明則皆曰急下之與大承氣湯而大承氣湯中其性以治其中也至少陽陽明則去正陽而逼其陰其分為下故小承氣湯中大黃不用酒制少陽不宜下故又曰少與曰微溲之勿令大泄下此仲景之妙法也東垣不審胃之云者乃仲景置調胃承氣於太陽篇太陽不宜下故又稱胃以別之却腫成氏之謬以小承氣治太陽脾約之證以調胃承氣治正陽陽明大承氣不能無辨○小便不利大便乍難乍易有微熱喘冒不卧者宜大承氣湯論見傷寒六七日目中不了了睛不和無表裏證大便難身微熱者此為實也急下之宜大承氣湯成諸脈皆屬于目傷寒六七日邪氣入裏時日中不了了睛不和者邪熱內甚

傷寒六七日目中不了了睛不和者邪熱內甚

熏於目也無表裏證大便難者裏實也身大熱者表熱也身微熱者裏熱也針經曰熱病目不明熱不已者死此目中不了了睛不和則證近○**跌陽脈浮而濇浮則**

胃氣強澀則小便數浮澀相搏大便則難其脾為約麻

仁丸主之成跌陽者脾胃之脈診浮為陽知胃氣強澀內經曰飲入於胃游溢精氣上輸於脾脾氣散精上歸於肺通調水道下輸膀胱水精四布五經並行是脾主

為胃行其津液者也今胃強脾弱約束津液不得四布但輸膀胱致小便數大便難與脾約丸通腸潤燥

○**麻仁丸方**

麻子仁 貳升

芍藥 半斤

枳實 半斤炒

大黃 去皮壹觔

厚朴 去麤皮炙壹尺

杏仁 壹斤去皮尖別熬作脂

右六味為末煉蜜丸如桐子大飲服十九日三服漸

加以知為度

成內經曰脾欲緩急食甘以緩之麻子杏仁之甘緩脾而潤燥津液不足以酸收之芍藥之酸以斂津液腸燥胃強以苦泄之枳實厚朴大黃之苦下燥結而泄胃強也

陽明證其人喜忘者必有畜血所以然者本有久瘀血

故令喜忘屎雖鞭大便反易去聲其色必黑宜抵當湯主

之方見畜血無表裏證下後肌數不解消穀易饑六七日

不大便者有瘀血宜抵當湯

○**許**有一士人家病二人皆旬日矣一則身熱無汗大

便不通小便如澀神昏而睡診其脈長大而實予用

承氣下之而愈一則陽明自汗大便不通小便利津

液少口乾燥其脉亦大而虛作蜜煎三易之下燥糞
得澹利而解其家曰皆陽明不通何以治之異予曰
一證雖相似然自汗小便利者不可蕩滌五藏為無
津液也然則傷寒大證相似兩證稍有不同宜子細
斟酌正如格局看命雖年月日時皆同而貴賤窮通
不相侔者於一時中有淺深故知不可不謹

○便初鞭後澹仲景論中有四證內有二證不言小便
一證言小便不利一證言小便少其二證不言小便
者陽明病潮熱不大便六七日與小承氣湯不轉失
氣者此但初鞭後必澹不可攻之此胃中邪熱未作

實者也又太陽病下之心中懊懣而煩腹滿者初澹
後必澹此虛煩熱在上胃中無燥屎者也其一證小
便不利者陽明病中寒不能食小便不利手足濇然
汗出此欲作痼瘕必大便初鞭後澹所以然者以胃
中水穀不別故也又一證言小便少者服承氣湯一
升若不大便六七日小便少者雖不能食但初鞭後
必澹未定成鞭攻之必澹須小便利屎定鞭乃可攻
之是知仲景測大便法皆以小便利之如小便清知
不在裏利不止者利其小便小便數少津液當還入
胃中必大便皆可驗者然小便利屎定鞭固為可攻

亦有小便自利大便鞭而不可攻者何哉陽明病自汗或發汗小便自利此為津液內竭雖鞭不可攻之當須自欲大便宜蜜煎導蓋非裏實故不可攻也太陽病又一證云若吐若下若發汗微煩小便數大便鞭與小承氣湯和之此兩證汗後大便鞭小便利皆同而治法不同者後證為有傳邪故微煩又因發汗吐下後小便數內亡津液大便鞭是熱邪入裏故以小承氣利之至若前證小便自利以無傳邪故無煩一證大便雖鞭不得為裏熱但腸頭乾燥止可用蜜導也讀仲景書者宜詳究焉

○不得卧

不得眠陰陽皆有之正病於不得眠者陽明也若少陰當病於欲寐今乃不得眠緣陽氣入少陰經非少陰正病也有因汗下而然者有不因汗下而然者有因火逆而然者治見本條但不得眠皆為熱證其有太陽汗下之後晝日煩躁不得眠一證雖用乾薑附子湯蓋復其汗下所亡之陽非治其所感之寒病也不得眠為常證然少陰脈沉細自利煩躁不得眠者死傷寒發熱下利厥逆煩躁不得卧者亦死俱為正氣弱陽不能復故也活人云汗為火之液汗多則神昏故不眠大熱則神

傷寒不得卧 卷之三
不清故不眠。大下則動血。心主血。故不眠。瘥後熱氣未散。陰氣未復。故不眠。

○太陽病二三日不得卧。但欲起。心下必結。脉微弱者。此有寒分也。桂枝加厚朴杏子湯。○傷寒脉浮。以火劫之。驚狂起卧不得安者。桂枝去芍藥加蜀漆龍骨牡蠣救逆湯。○下後復發汗。晝日煩燥不得眠。夜而安靜。不嘔不渴。無表證。脉沉微。身無大熱。乾薑附子湯。○衄家不可汗。汗則額上陷。脉急緊。直視不眴。不得眠。黃芩芍藥湯。○傷寒下後。心煩腹滿。卧起不安者。梔子厚朴湯。○發汗吐下後。虛煩不得眠。反覆顛倒。心中懊憹。梔子豉湯。

○太陽病發汗後。胃中乾燥。不得眠。欲飲水者。少與之。則愈。

○陽明身熱。目疼。鼻乾。不得卧。尺寸脉俱長者。陽明受病也。病人小便不利。大便乍難。乍易。時有微熱。喘冒不能卧者。有燥屎也。宜大承氣湯。○陽明病。脉浮而緊。咽燥。口苦。腹滿而喘。發熱。汗出不惡寒。反惡熱。身重。若加燒針。必怵惕煩躁。不得眠。梔子豉湯。○少陰病。欲寐。二三日後。心煩不得卧者。黃連阿膠湯主之。

黃連阿膠湯方

黃連 肆兩

黃芩 貳兩

芍藥 貳兩

阿膠 參兩

鷄子黃 貳枚

右五味以水五升先煮三物取二升去滓納膠烺盡

小冷納鷄子黃攪令相得溫服七合日三服

成陽有餘以苦除之黃連黃芩之苦以除熱陰不足以甘補之鷄子黃阿膠之甘以補血酸收也泄也芍藥之酸收陰氣而泄邪熱也然服鷄子黃其病有不愈者今議加當歸人參茯苓白朮各等分與前藥四味服之立效

少陰病下利欲寐六七日後欬而嘔渴心煩不得眠者

宜猪苓湯論見下利少陰病但欲寐脉沉細不煩欲吐至

五六日自利復煩躁不得寐者死發熱下利厥逆煩

躁不得卧者死

○果太陽脉浮數身疼無汗煩躁不眠者宜汗之則愈

○陽明標熱頭額痛目疼身熱鼻乾不得卧脉長者

宜葛根解肌湯汗之若自汗脉洪數表裏俱熱煩渴

舌燥飲水者白虎加人參湯主之若蒸蒸發熱大便

秘鞭者調胃承氣湯下之外有傷寒已解或因食復

劇煩悶乾嘔口燥呻吟錯語不得眠者黃連解毒湯

主之若表裏大熱舌燥飲水者人參白虎湯合解毒

湯主之凡少陽發熱口苦心煩不得眠脉弦數者

小柴胡加黃連山梔子之類若虛弱人津液不足者

加麥門冬、酸棗仁之類。○太陽病發汗後不得眠，脈浮數微熱煩渴，小便不利者，五苓散主之。脈數大者，宜人參白虎湯。或竹葉石膏湯不可用五苓也。○凡汗下後虛煩不得眠者，加味溫膽湯。酸棗仁湯、梔子烏梅湯、朱砂安神丸之類，選而用之。

○附

酸棗仁湯治虛煩擾奔氣在胸中不得眠者

酸棗仁炒

人參

茯苓各壹錢半

桂心伍分

石膏貳錢半

知母

甘草各壹錢

生薑叁片

右作一服水二鍾煎至一鍾去滓臨卧服

千金流水湯治虛煩不得眠

麥門冬去心

半夏

甘草

黃連

遠志

人參

萆薢以上各壹錢

茯苓

酸棗仁各壹錢半

桂心伍分

生薑叁片

米壹合

右用長流水二鍾半先煮水令蟹目沸以杓揚萬遍取湯二鍾煎藥至一鍾去滓溫服

加味溫膽湯治太陽病後虛煩不得眠此膽寒也

半夏洗

酸棗仁炒各壹錢半

綠枳實

陳皮

甘草

各壹錢

人參

貳錢半

茯苓

貳錢

竹茹

壹團

生薑

叁片

右用水二鍾煎至一鍾去滓溫服若心煩內熱者倍加黃連麥門冬若口燥舌乾者去半夏加麥門冬五味子天花粉若有表熱未清加軟石膏柴胡若內虛大便自利者去枳實加白朮茯苓若內實心煩顛倒者加山梔仁

酸棗湯治吐下後晝夜不得眠

酸棗仁

炒貳錢

麥門冬

茯苓

當歸身

各貳錢

甘草

知母

川芎

各壹錢半

乾薑

叁分

生薑

叁片

右煎法同前

梔子烏梅湯

梔子

黃芩

甘草

人參

麥門冬

柴胡

烏梅

貳枚

生薑

叁片

竹葉

拾肆片

右煎法同前

黃連解毒湯治大熱乾嘔錯語呻吟不得眠

黃連

貳錢半

黃芩

黃蘗

各半兩

梔子

肆箇

水二盞半煎至一盞半去滓分二服

古通去同前

主薑

白葉

便入參石去根實

麥門冬

柴胡

罌子

黃芩

甘草

罌子烏罌子

本煎去同前

川芎

薄薑

主薑

自汗

附益江

頭汗

手足汗

無汗

不得汗

衛氣者護衛皮膚肥實腠理禁固津液不得妄泄邪氣干之則不能衛固於外由是津液妄泄澌澌然潤漉漉然出不因發散而自汗出也傷風則發熱自汗中暍則汗出惡風而渴風濕甚者則汗多而濡是風與暑濕為邪皆令自汗惟寒邪傷榮而不傷衛是以膚腠閉密汗不出也始雖無汗及傳入裏而為熱則榮衛通腠理開亦令汗自出矣自汗又有表裏之別虛實之異若汗出惡風及微惡寒者皆表未解宜發散至于漏不止而惡風及發汗後惡寒者表虛也宜溫之此皆邪氣在表若

汗出不惡風寒者此表解裏病下之則愈如陽明發熱汗出此為熱越及陽明發熱汗多急下之者是也自汗雖常證或汗出髮潤如油如貫珠着身不流皆為不治必手足俱周徧身悉潤漉漉然一時汗出熱已身涼乃為佳兆

○身熱汗出惡寒屬表病常自汗出者此為榮氣和榮氣和者外不諧以衛氣不共榮氣和諧故爾以榮行脈中衛行脈外復發其汗榮衛和則愈宜桂枝湯風則傷衛寒則傷榮衛受風邪而榮不病者為榮氣和也衛既客邪則不能與榮氣和諧亦不能衛護皮膚是以常自汗出與桂枝湯解散風邪調和榮衛則愈○餘詳見前太陽病條○兼項強痛者桂枝加葛根

湯項強○兼骨節煩疼不得屈伸小便不利者甘草附子

湯論見風濕○若發汗後遂漏不止惡風者桂枝附子

湯論見後條○汗出而渴者五苓散○不渴者茯苓甘草湯

○活人云傷風自汗桂枝湯難用須子細消息之假令

傷風自汗若脈浮而弱設當行桂枝服湯後無桂枝

脈息證候而煩者即不可再服也若傷風自汗出而

小便數者切不可與桂枝也又太陽病自汗四肢拘

急難以屈伸若小便難者可桂枝湯內加附子服之

若小便數者慎不可與桂枝附子湯宜服芍藥甘草

湯若誤行桂枝附子攻表便咽乾煩躁厥逆嘔吐作

傷寒自汗 物之三
甘草乾薑湯與之以復其陽若厥愈足溫更作芍藥
甘草湯與之其脚即伸

○趙有發汗漏風小便難與自汗小便數二證相逆似
溫作景亦恐後人誤認故重出一章問答以明之前
一證云太陽病發汗遂漏不止其人惡風小便難四
肢微急難以屈伸桂枝附子湯主之蓋是因邪發汗
遂漏不止乃服汗藥太過非自汗也惡風者餘邪未
盡也小便難四肢急為亡津液筋失所養也乃汗多
亡陽外虛經氣病帶表邪不在裏也故宜附子溫經
桂枝解表芍藥益血舒筋也此又一證云蓋是脈浮

為虛也汗自出微惡寒者陽虛無以衛外也小便數
為下焦虛寒不能制水也心煩為陰虛血少也脚攣
急乃血為汗奪筋無以潤養也此初得病便自表裏
俱虛外無陽證病不在表固不得與桂枝同法設若
誤用桂枝攻表重發其汗是虛虛也固得之便厥咽
乾煩躁吐逆厥為亡陽不能與陰相順接咽乾為津
液寡煩躁吐逆為寒格而上也故宜乾薑以溫裏復
陽甘草芍藥益其汗奪之血然後可以復陰陽不足
之氣得脚伸後或譫語者由自汗小便數胃家先自
津液乾少又服乾薑性燥之藥以致陽明內結譫語

雖然非邪實大滿故但用調胃承氣以調之仍少與之也原其芍藥甘草湯乃是厥愈足溫後專治兩脛攣急之藥非正治脉浮自汗出小便數之藥也今活人書却云芍藥甘草湯主脉浮自汗出小便數者何也又云通治誤服桂枝湯後病證仍存者愚不知病證何似可用如上仲景藥法蓋嘗復玩味而細繹焉自常人觀之豈不曰自汗小便數證又無自利遽用乾薑溫之因而以致結燥謔語後却用芒硝大黃寒藥以解其熱似若失次病家遇此必咎醫者以為誤用乾薑熱燥之失後藥解先之差矣殊不知仲景之意不患乎乾薑之熱燥惟患乎正氣之虛正氣之長邪氣之所由消也且自汗小便數等證為表裏俱虛治法必先復其陰陽不足之正氣然非乾薑芍藥甘草不可至於正氣陰陽已復而內有所主則雖胃燥謔語不過大便內結大黃芒硝潤滑而去之而正氣內強不至下脫結燥而正氣安矣以上用藥次第先熱後寒先補後瀉似逆而實順非仲景之妙孰能至是哉後之學者可不以此推廣而應變又何暇辯病家之謬謗也耶

若夏月中暑自汗身熱惡寒脉微弱口渴足冷者白虎

加人參湯主之治法詳見雜病中暑門

身熱汗出不惡寒屬裏為陽明本證問曰陽明外證云

何答曰身熱汗自出不惡寒反惡熱也大承氣湯問曰病

有得之一日不發熱而惡寒何也答曰雖得之一日惡

寒將自罷即自汗出而惡熱也問曰惡寒何故自罷答

曰陽明居中土也萬物所歸無所復傳始雖惡寒二日

自止此為陽明病也傷寒轉屬陽明者其人濺然微

汗出也中風則有汗傷寒無汗唯入陽明

蕪便鞭謔語者下之汗出身熱不惡寒使鞭謔語者宜

承氣湯論見陽明病發熱汗多者急下之宜大承氣

陽

証有人患傷寒目痛鼻乾不得卧大便不通尺寸脉

俱大已數日一夕汗出予謂速以大柴胡湯下之醫

駭曰陽明自汗津液已涸法當用蜜煎何須苦用下

藥予謂曰子雖知蜜煎為穩當還用大柴胡湯此仲

景不傳之妙公安能知之予力爭竟投大柴胡湯二

貼愈仲景論陽明之病多汗者急下之人多謂已是

自汗若又下之豈不表裏俱虛又如論少陰云少陰

病一二日口乾燥者急下之人多謂病發於陰得之

日淺但見乾燥若更下之豈不陰氣愈甚舉此二端

則其可疑者不可勝數此仲景之書世人罕能讀也
予謂仲景稱急下之者亦猶急當救表急當救裏之
說凡稱急者有三變謂纔覺汗未至津液乾燥便速
下之則為精捷免致用蜜煎也若胸中識得了了自
無可疑若未能了誤用之反不若蜜煎之為穩也

○兼脈浮緊口苦者忌汗下針宜和解陽明脈浮而緊咽
燥口苦腹滿而喘發熱汗出不惡寒反惡熱身重若發
汗則心憤憤反譫語若加燒針必怵惕躁不得眠若下
則胃中空虛客氣動膈心中懊憹舌上胎者梔子豉湯
主之若渴欲飲水口乾舌燥者白虎加人參湯主之若

○脈浮發熱渴欲飲水小便不利者猪苓湯主之

註云脈浮發熱

口苦者邪在表脈緊自汗腹滿不惡寒者邪在裏此表裏俱有邪宜和解

○兼小便不利者分欲食不欲食陽明欲食小便反不利

大便自調其人骨節疼翕翕如有熱狀奄然發狂嚴然

汗出而解此水不勝穀氣與汗共并脈緊則愈

桂枝湯

類之○陽明病若中寒不能食小便不利手足澀然汗出

此欲作痼瘕必大便初鞭後澹以胃中冷水穀不別故

也

厚朴生薑甘草半夏人參湯吳茱萸湯理中湯之類

○兼心下痞汗出心下痞滿有二證其痞按之濡軟不痛

而惡寒者宜附子瀉心湯其痞按之鞭引脇痛而身體

傷寒自汗
不惡寒者宜十棗湯

方論見
瘧門

○兼下利汗出下利熱不去厥逆惡寒者四逆湯。下利

清穀者通脈四逆湯。汗出下利有微熱者其脈數自

愈脈緊未愈。六七日後發熱而利其人汗出不止者

死俱見

○吐利脈緊反汗出而咽痛吐利者少陰病亡陽。吐

利汗出手足厥冷脈微欲絕者四逆湯。吐利止汗出

而厥脈微欲絕者通脈四逆加豬膽汁湯。俱見

○桂枝湯。陽明自汗桂枝湯。陽明自汗白虎湯。少陰自

汗四逆湯

○陽明證身熱目痛鼻乾不得臥不惡寒而自汗或惡

熱而尺寸俱浮者白虎湯主之。○傷寒尺寸脈俱長

自汗大出身表如米石脈傳至於裏細而小及瘧疾

但寒不熱其人動作如故此陽明傳入少陰戊合癸

即夫傳婦也白虎加桂枝主之然脈雖細小當以遲

疾別之此證脈疾而非遲故用此法。白虎加桂枝湯

如中暑自汗微惡
寒者亦宜服之

○活傷寒應發汗而動氣在左不可發汗發汗則頭眩

汗出筋惕肉瞤此為逆難治先服防風白朮牡蠣散

次服建中湯

防風白朮牡蠣散 治發汗多頭眩汗出筋惕肉瞤

防風

牡蠣炒成粉

白朮各等分

右為細末每服貳錢以酒調下米飲亦得日二三服汗止後服小建中湯

○集傷寒汗多不止 內庭瀉 合谷瀉 復溜瀉

似陽明外證太陽病吐後汗出不惡寒發熱關上脈細

數曰小逆吐後似陽明而關脈細 ○太陽病發熱汗出不惡寒者

為柔瘧柔瘧似陽明而身反張 ○發汗已身灼熱者名風溫風溫

為病脈浮汗出身重多眠

汗吐下後自汗二陽併病太陽初得病時發其汗汗先

出不徹因轉屬陽明續自微汗出不惡寒若太陽證不

罷者不可下下之為逆如此可小發汗設面色緣緣正

赤者陽氣怫鬱在表當解之薰之若發汗不徹不足言

陽氣怫鬱不得越當汗不汗其人躁煩不知痛處乍在

腹中乍在四肢按之不可得其人短氣但坐以汗出不

徹故也更發汗則愈何以知汗出不徹以脈濇故知也

成太陽病未解傳併入陽明而太陽證未罷者名曰併病續自微汗出不惡寒者為太陽證罷陽明證具也法當下之若太陽證未罷者為表未解則不可下當小發其汗先解表也陽明之脈循面面色緣緣正赤者陽氣怫鬱在表也當解之薰之以取其汗若發汗不徹者不足言陽氣怫鬱止是當汗不汗陽氣不得越散邪無從出擁甚于經故燥煩也邪循經行則痛無常處或在腹中或在四肢按之不可得而短氣但責以汗出不徹更

傷寒自汗
發汗則愈內經曰諸過者切之濇者陽氣有餘為身熱
無汗是以脈濇知陽氣擁鬱而汗出不徹○凡經文言
或言若言設言假令者皆更端之詞即成氏所謂或為
之證也○不徹不足言正與可小字相反○因太陽故
當汗因併陽明故當小發先○下後不可更行桂枝湯
字最有次第仲景之樞機也

若汗出而喘無大熱者與麻黃杏仁甘草石膏湯○發
汗後不可更行桂枝湯汗出而喘無大熱者麻黃杏仁
甘草石膏湯○服桂枝大汗出脈洪大者仍與桂枝若
形如瘧日再發者汗出必解桂枝二麻黃一湯○太陽
病發汗後大汗出胃中乾燥不得眠欲飲水者少少與
之胃和則愈若脈浮小便不利微熱消渴者五苓散○
傷寒五六日嘔而發熱柴胡證具而以他藥下之柴胡

證仍在者復與柴胡湯雖下之不為逆必蒸蒸而振發
熱汗出而解○太陽病桂枝證醫反下之利遂不止脈
促者表未解也喘而汗出者葛根黃連黃芩湯主之

言不宜下而便攻之內虛熱入挾熱遂利桂枝證者邪
在表也而反下之虛其腸胃為熱所乘遂利不止邪在
表則見陽脈邪在裏則見陰脈下利脈微遲邪在裏也
促為陽盛雖下利而脈促者知表未解也病有汗出而
喘者為自汗而喘也即邪氣外甚所致喘而汗出者為
因喘而汗出也即裏熱氣逆所致與葛根黃連黃芩湯
以散表邪除裏熱○清肌脈促有此證者宜用此方厥
陰證脈促手足厥即以前歸四逆湯加吳茱萸主之

○脈浮數者法當汗出而愈若下之身重心悸者不可
發汗當自汗出乃解所以然者尺中脈微此裏虛須表
裏實津液自和便自汗出愈成經云諸脈浮數當發熱

易寒自汗
成經云諸脈浮數當發熱

也是當汗出愈若下之身重心悸者慎其津液虛其胃
氣若身重心悸而尺脈實者則下後裏虛邪氣乘虛傳
裏也今尺脈微身重心悸者知下後裏虛津液不足邪
氣不傳裏但在表也然以津液不足則不可發汗須裏
氣實津液足便自汗出而愈宜麻黃湯桂枝加芍藥湯
○太陽病
當惡寒發熱今自汗出不惡寒發熱關上脈細數者以
醫吐之過也詳發熱
○太陽病寸緩關浮尺弱其人發熱
汗出惡寒不嘔但心下痞者此以醫下之也如不因下
病人不惡寒而渴者此轉屬陽明渴欲飲水少少與之
宜五苓散○傷寒大吐大下之極虛復極汗出者以其
人外氣怫鬱復與之水以發其汗因得噦所以然者胃
中寒冷故也詳噦六十三

亡陽傷寒脈浮醫以火迫劫之亡陽必驚狂起卧不安
者桂枝去芍藥加蜀漆牡蠣龍骨救逆湯主之○太陽
病發汗遂漏不止其人惡風小便難四肢微急難以屈
伸者桂枝加附子湯主之○發汗多若重發汗亡其陽
譫語脈短者死脈自和者不死亡陽胃燥譫語者脈短
津液已絕不可復治脈
自和為正氣未衰而猶可宜小柴胡加桂
○脈陽微而汗出少者為自
和也汗出多者為太過陽脈實因發其汗出多者亦為
太過太過為陽絕于裏亡津液大便因鞭也○少陰病
脈微不可發汗亡陽故也陽已虛尺脈弱瀋者復不可
下之脈微為亡陽表虛不可發汗脈弱瀋為亡陰裏
虛復不可下宜桂枝芍藥甘草湯四逆湯

病人脉陰陽俱緊反汗出者亡陽也此屬少陰法當咽痛而復吐利或謂桂枝加乾薑湯四逆湯

盜汗盜汗者謂睡而汗出也方其睡熟湊湊然出覺則止而不復出矣睡則胃氣行裏表中陽氣不絀故津液得滲覺則氣行于表而汗止矣

病盜汗責其陰虛傷寒盜汗由邪氣在半表半裏使然也若邪氣在表則又謂之自汗矣經曰微盜汗出反惡

寒者表未解也又陽明當作裏實而脉浮者云必盜汗是猶有表邪也又三陽合病目合則汗是知盜汗邪在表裏之間而悉屬和解明矣非若自汗有表裏虛實之別也

太陽病脉浮動數頭痛發熱微盜汗出反惡寒者表未解也結胸陽明病脉浮而緊必潮熱發作有時但浮者必盜汗出活人云脉浮盜汗黃芩湯或柴胡薑桂湯桂枝茯苓白朮湯

三陽合病脉浮大上關上但欲眠睡目合則汗或關脉以候少

陽之氣太陽之脉浮陽明之脉大脉浮上關上知三陽合病膽熱則睡少陰病且欲眠睡目合則汗出以陰不得有汗但欲眠睡目合則汗知三陽合病膽有熱也柴胡湯瀉心湯或謂此證俱屬少陽篇中亦可用小柴胡否答曰可用夫三陽合病其邪發見于脉也浮者太陽也大者陽明也上關上者少陽也但欲眠睡目合則汗此膽有熱脉證相符故出于少陽篇下蓋浮脉無證不可汗大脉無證不可下浮大之脉俱上關知三陽合病而熱在膽也然膽居

頭汗頭乃諸陽之會熱蒸于陽故但頭汗出也三陰無頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

頭汗其經不上頭故也徧身有汗謂之熱越但頭汗出

而身無汗者熱不得越而上達也如瘧熱在裏身必黃及熱入血室與其虛煩或陽明被火及水結胸數者皆但頭汗出俱是熱不得越故或吐或下以除其熱也且邪但在表則無頭汗之證必也寒濕相搏與邪在半表半裏乃有頭汗也如傷寒五六日已發汗而復下之胸脇滿微結小便不利渴而不嘔但頭汗出往來寒熱心煩及傷寒五六日頭汗微惡寒手足冷心下滿口不欲食大便鞭脈細者此皆邪在表裏兩間令頭汗出也濕家但頭汗出欲得被覆向火者寒濕相搏故頭汗也此皆不得謂之逆然小便不利而成關格若頭汗者陽

脫也經云關格不通不得尿頭無汗者生有汗者死又濕家下後頭額汗出而微喘者亦陽脫也經云濕家下之額上汗出小便不利者死下利不止者亦死二者乃頭汗之逆○**太陽**傷寒十餘日熱結在裏復往來寒熱大柴胡湯但結胸無大熱者此水結胸但頭微汗者大陷胸湯○傷寒五六日已汗復下胸脇滿微結小便不利渴而不嘔但頭汗出往來寒熱心煩者此為未解也柴胡桂枝乾薑湯○太陽病中風以火劫發汗邪風被火熱血氣流溢失其常度兩陽相熏灼其身發黃陽盛則欲衄陰盛則小便難陰陽俱虛竭則身體枯燥但頭

汗出劑頭而還腹滿微喘口乾咽爛或不大便久則譫
語甚者至噦手足躁擾捻衣摸牀小便利者其人可治
成風為陽邪因火熱之氣則邪氣愈甚迫于血氣使血
氣流溢失其常度風與火氣謂之兩陽兩陽相熏灼熱
發于外必發身黃若熱搏于經絡為陽盛外熱迫血上
行必衄熱搏于內者為陰虛內熱必小便難若熱消血
氣血氣少為陰陽俱虛血氣虛少不能榮于身體為之
枯燥三陽經絡至頸三陰經絡至胸中而還但頭汗劑
頸而還者熱氣炎上搏陽而不搏于陰也內經曰諸腹
脹大皆屬于熱腹滿微喘者熱氣內鬱也內經曰火氣
內發上為口乾咽爛者火熱上熏也熱氣上而不下者
則大便不鞭若熱氣下入胃消耗津液則大便鞭故云
或不大大便久則胃中躁熱必發譫語內經曰病深者其
聲噦火氣太甚正氣逆亂則噦又曰四肢者諸陽之本
也陽盛則四肢實火熱太甚故手足躁擾捻衣摸牀擾
亂也小便利者為火未劫津液未竭而猶可治也○宜
黃芩梔子柴胡湯承氣
液未竭其不利者上乾下竭故各不治大柴胡湯承氣

湯○太陽病牝浮動數頭痛發熱微盜汗出而反惡寒
者表未解也醫反下之動數變遲陽氣內陷心中因鞭
則為結胸若不結胸但頭汗出餘處無汗劑頸而還小
便不利身必發黃趙頭汗出有數種如發黃頭汗出者
熱不得越而上泄也背強惡寒頭汗
出者寒濕客搏經絡也下血譫語頭汗出者熱入血室
虛煩懊憹頭汗出者邪客胸中熏發於上也水結胸頭
汗出者水氣停蓄不得外行也陽微結與往來寒熱頭
汗出者邪在半表半裏也發黃鼻衄小便難頭汗出者
邪風火熱薰灼上炎也此數者皆為邪風所干而然今
活人書却稱病人表實裏虛玄府不開五內乾枯胞中
空虛津液寡所致于上數證皆非也外有二證又為頭
汗出之逆經云關格不通不得尿頭無汗者生有汗者
死又濕家下之額上汗出微喘小便利者死下利不止
者亦死以陽氣上脫故也活人書此問不言何以為可
治之別○陽明病發熱汗出此為熱越不能發黃也但
傷寒頭汗
失之三
九

頭汗出身無汗劑頸而還小便不利渴引水漿此為痰

熱在裏身必發黃茵陳湯主之或用茵陳五苓散○三陽合病

腹滿身重難以轉側口不仁而面垢譫語遺尿發汗則

譫語下之則額上生汗手足逆冷若自汗出者白虎湯

○陽明病被火額上微汗出小便不利必發黃成陽明病則為

內熱被火則火熱相合而甚若遍身汗出而小便利者熱得泄越不能發黃今額上微汗出而小便不利則熱不得越鬱蒸于胃必發黃也○陽明病下之其外有熱

茵陳五苓散梔子檉皮湯手足溫者不結胸心中懊憹飢不能食但頭汗出

欬湯○陽明病下血譫語者此為熱入血室但頭汗出

者刺期門隨其實而瀉之澼澼然汗出而愈成陽明病熱入血室

迫血下行使下血譫語陽明病法多汗以奪血者無汗故但頭汗出也刺期門以散血室之熱隨其實而瀉之

以除陽明之邪熱散邪除則榮衛得通津液得復澼然汗出而解○傷寒五六日頭汗

出微惡寒手足冷心下滿口不欲食大便鞭脈細者此

為陽微結必有表復有裏也脈沉亦在裏也頭汗出為

陽微假令純陰結不得復有外證悉入在裏此為半在

裏半在外也脈雖沉緊不得為少陰病所以然者陰不

得有汗今頭汗出故知非少陰也可與小柴胡湯若不

了了者得屎而解成傷寒五六日邪當傳裏之時頭汗

下滿口不欲食大便鞭脈細者邪結於裏也大便鞭為

陽結此邪熱雖傳於裏然以外帶表邪則熱結猶淺故

曰陽微結脈沉雖為在裏若純陰結則更無頭汗惡寒

之表證諸陰脈皆至頸胸中而還不止循頭今頭汗出

知非少陰也與小柴胡湯以除半表半裏之邪服湯已
外證罷而不了了者為裏熱未除與湯取其微利則愈
故云得屎而解

○孫凡水結胸脇間頭必有汗治以半夏茯苓湯

○活病人表實裏虛玄府不開則陽氣上出汗見於頭
凡頭汗出者五藏乾枯胞中空虛津液少也慎不可
下下之謂重虛

○海頭汗出劑頸而還血證也額上偏多者屬心部為
血證也獨益中州脾土以血藥治之其法無以加矣
手足汗胃主四肢為津液之主故病則手足汗出也手
足汗出為熱聚于胃是津液之傍達也經曰手足澀然

汗出大便已鞭又曰手足漿漿汗出大便難而譫語二
者俱宜下之又陽明中寒不能食小便不利手足澀然
汗出此欲作痼瘕不下為宜二者俱手足汗出一則大
便初鞭後澹胃中冷水穀不別故不可下一則大便難
譫語為陽明證具故宜下也○二陽併病太陽證罷但
發潮熱手足漿漿汗出大便難而譫語下之則愈大承
氣湯○陽明病肌遲雖汗出不惡寒身重短氣腹滿而
喘潮熱者此外欲解可攻裏也手足澀然而汗出此大
便已鞭也大承氣湯主之○陽明病若中寒不能
食小便不利手足澀然汗出此欲作痼瘕必大便初鞭

後澹以胃中冷水穀不別故也

厚朴生薑甘草半夏人參湯吳茱萸湯中湯

無汗有數種寒邪在表而無汗者邪氣行於裏而無

汗者水飲內蓄而無汗者陽虛無汗者經謂太

陽病無汗而喘及脉浮緊無汗發熱及不出汗而煩躁

陽明病反無汗而小便利二三日嘔而欬手足厥者頭

痛及鼻乾不得汗脉浮無汗而喘與其剛痙無汗是數

者皆寒邪在表而無汗者也經謂陽明病無汗小便不

利心中懊懷身必發黃及傷寒發熱無汗渴欲飲水無

表證者白虎加人參湯與夫三陰為病不得有汗惟少陰亡

陽一證有得汗是是數者皆邪行于裏而無汗者也其

水飲內蓄無汗者經謂服桂枝湯或下之仍頭痛項強

翕翕發熱無汗心滿微痛小便不利桂枝去桂加茯苓

白朮是也其陽虛無汗者經謂脉浮而遲遲為無陽不

能作汗其身必痒是也○太陽發熱惡寒身疼無汗而

喘麻黃湯證○發熱惡寒身疼不汗出而煩躁大青龍

湯證○服桂枝或下之仍頭項強痛發熱無汗心下微

痛小便不利桂枝去桂加茯苓白朮湯證○項背強几

几無汗惡風葛根湯證○陽明脉浮無汗而喘麻黃湯

證以上俱前見○傷寒脉浮發熱無汗其表不解不可與白

虎湯渴欲飲水無表證者白虎加人參湯○陽明病法

多汗反無汗身如蟲行皮中狀者久虛故也胃為津液之源

久虛津液竭不能為汗胃主肌肉實則為痛虛則為痺宜用黃芪建中湯得津液既和而陽明證仍在以

胡湯徐○陽明病反無汗而小便利二三日嘔而欬手足厥者必苦頭痛若不欬不嘔手足不厥者頭不痛

陽明病無汗小便不利心中懊懣者必發黃無汗而小便不利熱蘊于內而不得越心中懊懣者熱氣鬱蒸

少陰病但厥無汗強發之必動其血或從口鼻或從目

出名下厥上竭為難治但厥無汗熱行于裡也而強發汗從虛而出或從口鼻或從目出諸厥者皆屬于下

妄行從虛而出或從口鼻或從目出諸厥者皆屬于下

日厥為下厥血亡于上為上竭傷氣損血邪甚正虛故

治也

不得汗太陽病以火熏之不得汗其人必躁到不解必

清血名為火邪此火邪迫血而血下行也太陽病用必發躁也六日傳經盡至七日再到太陽經則熱氣當

解若不解熱氣迫血下行必清血清則也

地黃○太陽病八九日如瘧狀發熱惡寒熱多寒少其

人不嘔清便欲自可一日二三度發脈微緩者為欲愈

脈微惡寒者此陰陽俱虛不可更汗吐下也面色反有

熱色者以不得小汗出身必痒宜桂麻各半湯○太陽

病二日反燥凡熨其背而大汗出大熱入胃胃中水竭

躁煩必發讖語十餘日振慄自下利者為欲解從腰已

下不得汗欲小便不得反嘔欲失溲足下惡風大便難

小便當數反不數及多大便已頭卓然痛足心必熱氣下流故也或云汗多先服桂枝湯後用調胃承氣湯陽明中風脈弦浮大而短氣腹滿脇下及心痛久按之氣不通鼻乾不得汗嗜卧一身面目悉黃小便難有潮熱時時噦者柴胡湯但脈浮無餘證者麻黃湯或當汗而汗之服湯至三劑而不得汗者死病也或熱病脈躁盛而不得汗者黃帝謂陽脈之極也死此二者為真病不治然有當和解之證汗之而不得汗者和解之力到汗自出而解矣慎莫錯會作死證也

潮熱

潮熱者若潮汛之來不失其時一日一發按時而發者謂之潮熱若日三五發者是即發熱非潮熱也潮熱屬陽明陽明旺于未申必於日晡時發乃為潮熱

太陽病重發汗而復下之不大便五六日舌上燥而渴

日晡小有潮熱從心下至少腹硬滿而痛不可近者大

陷胸湯主之成重發汗而復下之則內外重亡津液而熱內結致不大便五六日舌上燥而渴也

日晡潮熱者屬胃此日晡小有潮熱非但在胃從心下至少腹硬滿而痛不可近者是一腹之中上下邪氣俱甚者也宜陷胸湯以下其邪○丹謹按太陽病已重發汗表則虛矣而復下之裏又虛矣不大便五六日可見津液之耗矣非若前章之未曾發汗而但下之傷于早爾今雖有硬滿而可以迅攻之乎若日潮熱于申酉係

陽明屬胃承氣證既又曰小有潮熱猶可疑待之間
惟此一證耳雜病太陽潮熱則在巳午更
完小字則知邪太陽為多陽明為少

陽明病潮熱大便微鞅可與大承氣湯不鞅者不與之
若不大便六七日恐有燥糞欲知之可少與小承氣湯
入腹中轉失氣者此有燥糞乃可攻之若不轉失氣者
此但初頭鞅後必澹不可攻之攻之必脹滿不能食也
欲飲水者與之則澹其後發熱者必大便復鞅而少也
以小承氣湯和之不轉失氣者慎不可攻也○陽明病
脈遲雖汗出不惡寒者其身必重短氣腹滿而喘有潮
熱者此外欲解可攻裏也手足濇然汗出者此大便已

鞅也大承氣湯主之若汗多微發熱惡寒者外未解也

其熱不潮未可與承氣湯若腹大滿不通者可與小承

氣湯微和胃氣勿令大泄下○陽明病譫語有潮熱反

不能食者胃中必有燥屎五六枚也若能食者但鞅爾

宜大承氣湯下之胃熱當消穀引食反不能食者胃中

雖鞅不得為有燥屎玩但字則末句恐當在若能食者
之上燥屎在大腸而曰胃中者傷寒傳胃不傳大腸治
病必求其本故仲景從本言之况○二陽併病太陽證
承氣能下燥大腸同為燥金也

罷但發潮熱手足熱熱汗出大便難而譫語者下之則

愈宜大承氣湯成本太陽病併于陽明名曰併病太陽

身汗出為熱越今手足熱熱汗出是熱聚于胃也必大
便難而譫語經曰手足熱然而汗出者必大便已硬也

與大承氣湯以陽明病譫語發潮熱脈滑而疾者小

承氣湯主之與湯一升腹中轉失氣者更服一升不轉

失氣勿更與之明日不大便脈反微澀者裏虛也為難

治不可更與承氣湯也成陽明病譫語發潮熱若脈沉

為裏熱未實則未可下先與小承氣湯和之湯入腹中

轉失氣者中有燥屎可更與小承氣湯一升以除之若

不轉失氣者是無燥屎不可更與小承氣湯至明日邪

氣傳時脈得沉實緊牢之類是裏實也反得微澀者裏

氣太虛也若大便利後脈微澀者止為裏虛而猶可此

不曾大便脈反微澀是正氣內衰為邪勝也故曰難治

大承氣湯方

海藏云厚朴去痞枳實泄滿芒硝軟堅大黃泄實必痞滿燥實四證全者方可用之

大黃

肆兩

厚朴

炙去麋皮

枳實

伍枚

芒硝

柒錢半

酒洗入陽明經

右四味以水一斗先煮二物取五升去滓內大黃煮
取二升去滓內芒硝更上火微煎一二沸分溫再服
得下餘勿服

成承順也傷寒邪入胃者謂之入府府之為言聚也

胃為水穀之海榮衛之原水穀會聚於胃變化為榮

衛邪氣入胃胃氣鬱滯糟粕秘結壅而為實是正氣

不得舒順也本草云通可去滯洩可去閉塞而不利

閉而不通以湯蕩滌使塞者利而閉者通正氣得以

舒順故曰承氣也王水曰宜下必以苦宜補必以酸

潰堅破結苦寒為主是以枳實為君內經曰燥淫於

內治以苦溫洩滿除燥苦溫為輔是以厚朴為臣內
經曰熱淫于內治以鹹寒人傷于寒則為病熱熱氣
聚于胃則謂之實鹹寒之物以消實熱故以芒硝鹹
寒為佐內經曰燥淫所勝以苦下之熱氣內勝則津
液消而腸胃燥苦寒之物以蕩滌其燥熱故以黃
為使是以大黃有將軍之號也承氣湯下藥也用之
尤宜審如大滿大實有燥屎乃可投也如非大滿則
生寒證而結胸痞氣之屬由是而生矣

小承氣湯方

海藏云大黃泄實厚朴去痞必痞實全者可用

大黃

肆兩

厚朴

炙去麤皮貳兩

枳實

參攷大者

已上三味以水四升煮取一升二合去滓分溫二服

初服湯當更衣不爾者盡飲之若更衣者勿再服

大熱結實者與大承湯小熱微結者與小承氣湯熱不大甚故大承氣去芒硝結不至堅故不減朴枳也

○異或問承氣湯仲景有大小調胃之名何也然傷寒

邪熱傳變入裏謂之入府府者聚也蓋邪熱與糟粕
蘊而為實也實則潮熱譫語手心濇濇汗出者此燥
屎所為也如人壯大熱大實者宜大承氣湯下之小
熱小實者與小承氣湯下之又熱結不堅滿者故減
去厚朴枳實加甘草而和緩之故曰調胃承氣也若
病大而以小承氣攻之則邪氣不伏病小而以大承

傷寒論
卷之三
傷寒論
三十一

氣攻之則過傷正氣且不及還可再攻過則不能復
救可不謹哉仲景曰凡欲行大承氣先與小承氣一
鍾服之腹中轉失氣乃有燥屎也可以大承氣攻之
若不轉失氣慎不可攻攻之則腹脹不能食而難治
又曰服承氣湯得利慎勿再服此諄諄告戒也凡用
攻法必須妙算料量合宜則應手而効若不料量孟
浪攻之必且殺人

傷寒若吐若下後不解不大便五六日上至十餘日
日嘔所發潮熱不惡寒獨語如見鬼狀若劇者發則不識
人循衣摸牀惕而不安微喘直視脈弦者生濇者死但

發熱譫語者大承氣湯主之一服利止後服詳循衣摸牀後五

陽明病發潮熱大便溏小便自利胸脇滿不去者小柴

胡湯主之陽明為病胃實是也今便溏而言陽明病者謂陽明外證身熱汗出不惡寒反惡熱之病也

陽明中風脈弦浮大短氣腹滿脇下及心痛鼻乾

不得汗嗜卧身黃小便難時時噦而潮熱者小柴胡加

茯苓主之傷寒十三日不解胃脇滿而嘔日晡所發

潮熱已而微利此本柴胡證下之而不得利今反利者

知醫以丸藥下之非其治也潮熱者實也先宜小柴胡

湯以解外後以柴胡加芒硝湯主之

柴胡加芒硝湯方

傷寒論
卷之三
傷寒論
三十一

三十一

傷寒論卷之三

柴胡 壹兩 黃芩 人參 甘草 炙

生薑 各伍錢 半夏 湯浸 參箇 大棗 叁枚 芫硝 壹兩

每服伍錢水一盞半煎至八分去滓納芫硝更微沸
温服

陽明病脉浮而緊必潮熱發作有時但浮者必盜汗出

成浮為在經緊者裏實脉浮緊者表熱裏實也必發潮熱發作有時若脉但浮而不緊者止是表熱也必盜汗出盜汗者睡而汗出也陽明病裏熱者自汗表熱者盜汗

○活人書冬月陽明潮熱脉浮而緊者發作有時但脉浮者必盜汗黃芩湯主之方見下利

○讖語 陽明為病胃家實是也言實則讖語故讖語宜入陽明門

成讖者謂呢喃而語也又作譫謂妄有所見而言也斯

皆胃中熱盛上乘於心心為熱冒則神識昏亂而語言

謬妄也輕者睡中呢喃重者寤亦謬語經謂讖語獨語

狂語及語言不休與言亂者由其熱之有輕重也讖語錯妄

若與人言有次與獨語如見鬼者熱之輕也狂言無所知識甚則至于喊叫與語言不休者熱之甚也迨夫言亂乃狂言罵詈不避親疎此為讖語之由又自不同有神明已亂難可復制其猖狂也

火劫有汗出有下利有下血有燥屎在胃有三陽合病有過經有亡陽等讖語者俱已條具于後茲不及贅諸

如此者脉短則死脉自和則愈又身微熱脉浮大者生

逆冷脈沉不過一日死或氣上逆而喘滿或氣下奪而
自利皆為逆也

陽明胃實潮熱宜下陽明病譫語發潮熱脈滑而疾者
小承氣湯主之因與承氣湯一盞腹中轉失氣者更服
一盞若不轉失氣勿更與之明日不大便脈反微澀者
裏虛也為難治不可更與承氣湯○陽明病譫語有潮
熱反不能食者胃中必有燥屎五六枚若能食者但鞭
爾宜大承氣湯下之○二陽併病太陽病罷但發熱手
足皴皴汗出大便難而譫語者下之則愈宜大承氣湯
○陽明病其人多汗以津液出胃中燥大便必鞭鞭則譫

語小承氣湯主之若一服譫語止勿更服

胃實汗多宜下汗出譫語者必有燥糞在胃中此為風
也須下之必過經乃可下下之若早語言必亂以表虛

裏實故下之則愈宜大承氣湯夫實則譫語虛則鄭聲

譫語者謂亂言無次數數更端也鄭聲者謂鄭重頻煩也
也只將一句舊言重疊頻言之終日殷勤不換他聲也
蓋神有餘則能機變而亂語數數更端神不足則無機變而只守一聲也傷寒四五日脈

沉而喘滿沉為在裏而反發其汗津液越出大便為難

表虛裏實久則譫語

成氏謂鄭聲為鄭衛之聲非是前已辯明

火後形作傷寒其脈不弦緊而弱弱者必渴被火者必
譫語弱者發熱脈浮解之當汗出愈○太陽病火劫汗

傷寒論

後身黃小便難身體枯燥頭汗腹滿微喘或不大便久

則讖語論見頭汗○太陽病二日反躁乃熨其背而大汗出

火熱入胃胃中水竭躁煩必發讖語十餘日振慄自下

利者此為欲解○少陰病欬欬而下利讖語小便難者

被火氣劫汗故也吐下汗溫鍼後讖語柴胡證罷者此

為壞病知犯何逆以法治之詳見壞證年二

汗後傷寒脈浮自汗小便數心煩微惡寒脚攣急反與

桂枝欲攻其表此誤也若胃氣不和讖語者少與調胃

承氣湯方論見厥○三陽合病腹滿身重難以轉側口不仁

而面垢讖語遺尿發汗則讖語下之則額上生汗手足

逆冷若自汗出者白虎湯主之論見身重○傷寒四五日脈

沉而喘滿沉為在裏而反發其汗津液越出大便為難

表虛裏實久則讖語大承氣湯見不○傷寒脈弦頭痛

發熱者屬少陽少陽不可發汗發汗則讖語此屬胃胃

和則愈胃不和則煩而悸見少陽病○發汗多亡陽讖語者

不可下與柴胡桂枝湯和其榮衛以通津液後自愈發

汗多又重發汗者亡其陽讖語脈短者死脈自和者不

死○諸逆發汗病微者瘥劇者言亂目眩者死

下後傷寒八九日下之胸滿煩驚小便不利讖語一身

盡痛不可轉側者柴胡加龍骨牡蠣湯方論見驚年三

四十一

○熱入血室陽明病下血譫語者此為熱入血室但頭汗

出者刺期門隨其實瀉之澱然汗出則愈腹滿譫語脈

期門太陽少陽併病發汗則譫語○婦人中風發熱

惡寒經水適來得之七八日熱除脈遲者身涼胸滿如

結胸狀者刺期門若晝則明了暮則譫語者無犯胃氣

及上二焦必自愈活人以小柴胡湯主之論見婦人傷寒

傷寒十三日不解過經讖語者以有熱也當以湯下之

若小便利者大便當鞭而反下利脈調和者知醫以丸

藥下之非其治也若自下利者脈當微厥今反和者此

為內實也調胃承氣湯主之傷寒十三日再傳經盡

熱也當以諸承氣湯下之若小便利者津液偏滲大便

當鞭反下利者知醫以丸藥下之也下利脈微而厥者

虛寒也今脈調和則非虛寒由腸虛胃熱協熱而利也

與調胃承氣湯以下胃熱○經文內實之實當作熱注

偏滲偏當作瀉○此段有五反一對熱與厥反湯與丸

反便鞭與下利反脈微與脈和反藥下與自利反小便

與大便鞭為一對讀者宜細詳之

○右下利譫語其曰脈調和而手足和小便利者陽也

故用承氣下之其脈當微厥及少陰但欲寐被火氣

劫汗譫語小便難者陰也故當用補劑和之但欲寐

語俱見下利少陰條○許有人病傷寒下利身熱神昏多困譫語不得眠或

者見下利便以譫語為陰虛證予曰此亦小承氣證

易經卷之四

傷寒論
衆駭曰下利而服小承氣仲景之法乎予曰此仲景之法也仲景云下利而譫語者有燥糞也屬小承氣湯而得解予嘗讀素問云微者逆之甚者從之逆者正治從者反治從多從少視其事也帝曰何謂反治岐伯曰塞因塞用通因通用王冰註云大熱內結注瀉不止熱宜寒療結復須除以寒下之結散利止則通因通用也正合於此又何疑焉

○活大便秘小便赤手足溫脈洪數者必譫語也調胃承氣湯。○譫語不惡寒反惡熱白虎湯。○已得汗身和譫語者此胡桂枝湯。○火迫而致譫語亦白虎湯

○海治老幼及虛人傷寒五六日昏冒言妄小便或淋或澀起卧無度或煩而不得眠並宜白虎湯加山梔一錢

○耳治熱病及時疫心躁狂亂奔走狀似癩癩言語不定久不得汗及時疫不知人事者以人中黃不拘多少入礮內泥封固武火煨半日去火候冷取出於地上以盆蓋半日許研如麵新汲水調下三錢或未退再服愈人中黃即屎也

○栗治傷寒熱甚心煩有痰神昏譫語者以竹瀝一盞生天花粉汁一盞服之或加好金子三五錢同煎妙

○按此諸方內熱不禁下者可用

○補虛素問云譫語者氣虛獨言也巢全善云余用參芪歸木等劑治譫語得

愈者百十數豈可不分虛實一槩用○難經云脫陽者黃連解毒大小承氣等湯以治之乎

見鬼仲景謂亡陽譫語亦此義

○海黃芪湯治傷寒或時悲哭或時嬉笑或時太息或

語言錯亂失次世疑作譫語狂言者非也神不守室

耳兩手脉浮沉不一舉按全無力浮之損小沉之亦

損小皆陰脉也甚者用調中丸方見前補養條或理中丸

○丹浦江鄭兄年二十歲九月間發熱頭痛妄言見鬼

醫與小柴胡湯數貼熱愈甚予視之形肥面亦帶白

却喜筋骨稍露診其脉弦大而數實脉本不實涼藥

所致此因勞倦成病與溫補藥自安遂以參朮為君

苓芍為臣黃芪為佐附子一片為使與二貼而證不

減或曰脉既數大狂熱而又大渴用附子誤矣予曰

此虛證而誤投寒涼之藥人肥而脉左大於右事急

矣非加附子參朮焉能有急効再與一貼乃去附子

作大劑與服至五十貼得大汗而愈自後又補養兩

月氣體方始平復○一人五月內患譫語大發熱肢

體不能舉喜冷飲診其脉洪大而數用黃芪茯苓濃

煎如膏却用凉水調與之三四服後病者昏睡如死

狀但顏色不改氣息如常至次早方醒諸證悉退而
安。盧兄汗後再發熱妄言吊仲修汗後熱不退亦
妄言陶明節熱退後不識人言語謬妄皆用參芪朮
歸等補劑而愈信哉。譫語屬虛者十居八九。
陰證手足冷脉細微而譫語用四逆湯活人用白通湯
海藏用黃芪加乾薑湯。

○侯輔之脉極沉細外熱內寒肩背胸脇斑出十數點
語言狂亂或曰發斑譫語非熱乎予曰非也陽為陰
逼上入于肺傳之皮毛故斑出神不守舍故錯語如
狂非譫語也。肌表雖熱以手按之須臾冷透如水與

薑附等藥數日約二十餘兩得大汗而愈後因再發
脉又沉遲三四日不大便與理中丸三日內約半斤
其病全愈以此知侯公之狂非陽狂之狂乃失神之
狂卽陰虛也。

○診直視譫語喘滿者死下利者亦死。○譫語妄言身微
熱脉浮大手足温者生逆冷脉沉細者不過一日死矣。
鄭聲鄭字書曰鄭重頻煩也又曰殷懃也鄭聲謂止將
一事頻煩殷勤言之盖神氣不足不能更易而但守一
聲與譫語之錯出不倫者異矣此虛實之分也成氏以
為鄭衛之聲迂而鑿矣治法於前補虛條求之。

○果大抵鄭聲乃因內虛正氣將脫而言皆不足之貌如手足竝冷脉息沉細口鼻氣息短少所說言語輕微無力氣少難以應息者皆元氣將脫也或吃逆不止神昏氣促不知人事者死如氣息不促手足頗溫其脉沉細而微者急以附子湯倍人參主之或以接氣丹黑錫丹蕪進一二服以助其真氣也或濃煎人參徐徐與之或未可用附子者以三白湯倍人參主之

○戴謔語屬陽鄭聲屬陰經云實則讖語虛則鄭聲讖語者顛倒錯亂言出無倫常對空獨語如見鬼狀鄭聲者鄭重頻煩語雖謬而諄諄不已老年人遇事則評語不休以陽氣虛故也此讖語鄭聲虛實之所以不同也二者本不難辨但陽盛裏實與陰盛隔陽皆能錯語須以他證別之大便祕小便赤身熱煩渴而妄言者乃裏實之讖語也小便如常大便洞下或發躁或反發熱而妄言者乃陰隔陽之讖語也裏實宜下調胃承氣湯熱燥甚而妄言不休大渴喜飲宜理中湯陰隔陽宜溫膽湯四逆湯附子理中湯○又有不係正陽明似困非困間時有一二聲謔語者當隨證施治○外有已得汗身和而言妄者此是汗出後

津液不和慎不可下乃非陽非陰者宜小柴胡湯和
建中湯各半貼和榮衛通津液若陽傳入陰自利手
足厥逆語或錯亂此雖已自利其中必有燥屎猶當
下之陰中之陽宜調胃承氣湯瘀血在裏大便黑小
便利小腹痛其人如狂譫語者桃核承氣湯婦人傷
寒發熱經水適斷此熱入血室其血必結亦能譫語
宜小柴胡湯病後血氣未復精神未全多於夢寐中
不覺失聲如魘此不係識語鄭聲宜溫膽湯去竹茹
入人參半錢或用六君子湯

○狂亂

經曰邪入于陽則狂又曰重陽則狂諸經之狂為陽盛
也傷寒熱毒在胃併於心至於發狂為邪熱極矣狂之
發作少卧不饑妄語笑妄起行棄衣而走登高而歌甚
則踰垣上屋皆獨陽亢極使之非吐下不能已亦有當
汗不汗痰熱在裏下焦畜血而如狂者小便必利特如
狂而未至於狂耳其或熏熨迫汗灼艾燒針令人煩躁
卧起不安則謂之火邪驚狂凡是數者各有條例其或
狂言目反直視為腎絕汗出輒復熱狂言不能食皆死
證也非藥石所能及矣

陽明病欲食小便反不利大便自調其人骨節疼翕翕

如有熱狀奄然發狂澼然汗出而解者此水不勝穀氣

與汗共併脈緊則愈或陽明病客熱初傳于胃胃熱則

小便不當數大便當鞭今小便反不利大便自調者熱氣

散漫不為實也欲食則胃中穀多內經曰食入于長

血氣于陽穀多則陽氣勝熱消津液則水少經曰水入

于經其血乃成水少則陰血弱金匱要畧曰陰氣不通

則骨痛其人骨節疼者陰氣不足也熱甚于表者翕翕

發熱翕翕甚於裏者蒸蒸發熱此熱氣散漫不專者于表

內經曰陰不勝其陽者則脈流薄疾并乃狂陽明蘊熱

為實者須下之愈熱氣散漫不為實者必待汗出而愈

故云澼然而汗出解也水穀之等者陰陽氣平也水不

勝穀氣是陰不勝陽也汗出則陽氣衰脈緊則陰氣生

陰陽氣平兩無偏勝則愈故云與汗共併脈緊則愈

人府見表證汗出解理順見汗脈緊首尾如初兩在

陽王之此段發汗則愈

注要水

陽王之此段發汗則愈

陽王之此段發汗則愈

陽王之此段發汗則愈

陽王之此段發汗則愈

○張或云上一二條證俱係下焦蓄血中間雖有輕重未

當先解外外解已但少腹急結者乃可攻之宜桃仁承

氣湯

熱在裏故也抵當湯主之或云桃仁○太陽病不解熱

結膀胱其人如狂血自下者愈其外不解者尚未可攻

傷寒王亂

卷之三

八

審緣何而致此也。此皆發汗未得其宜，或當汗不汗，或汗遲，或脈盛汗微，或覆蓋不週而不汗，其太陽之邪無從而出，故隨經入府，結于膀胱。今小腹鞭滿，若小便不利者，血不蓄，若小便利者，乃蓄血證也。血或不蓄為熱，迫之血則自下，血下則熱隨血出而愈。若蓄血而不下，其外不解者，尚未可攻，當先解外。外已解，但少腹急結者，乃用桃仁承氣湯攻之。此如狂者之所處也。其發狂者，則不然，表證雖在，脈已沉微，邪氣傳裏，其可已乎？下之則愈，故以抵當湯主之。

太陽病身黃，脈沉結，少腹鞭，小便不利者，為無血也。小便自利，其人如狂者，血證諦也。抵當湯主之。

傷寒脈浮以火迫劫之，亡陽必驚狂，起卧不安者，桂枝湯去芍藥加蜀漆龍骨牡蠣救逆湯。方論見驚汗家重發汗，必恍惚心亂，小便已陰痛，與禹餘糧丸。方見瘡

○附

陽毒活人云：凡病人煩躁狂走，妄言叫罵，面赤咽痛，鼻如烟煤，或身斑如錦，或下利赤黃，此陽毒也。表者，陽毒升麻湯；裏者，大黃散；楊仁齋用葶蘆苦酒湯；梔子仁湯；三黃湯；大黃散；升麻葛根湯；加大黃狂走者，水調瓜蒂末吐痰。

在治傷寒發狂棄衣奔走踰牆上屋鵠石散

黃連

寒水石 各等分

右為細末每服二錢濃煎甘草湯候冷調下

雲傷寒心風狂妄者宜防風黃連湯

黃連

大黃

防風

遠志

茯神 各半

右為細末每服一兩水煎服

海黃芪湯治傷寒或歌或笑或悲哭謔言妄語方見發熱

陳志仁傷寒狂妄每欲狂走四五人扶捉不定脉虛數

用柴胡湯反劇以參芪歸术甘草陳皮煎湯一服狂定

再服安睡

脫陽者見鬼脫陰者發狂宜峻補其陰天地煎之類

是也

天門冬地黃煎膏為之

陰證乃是病發于少陰不當正發汗醫見其惡寒遂強

發之汗因漏不止其人亡陽故狂大與陰極發躁同當

用陰躁之藥加以收汗之劑玉屏風散入熟附子一錢

仍外以溫粉傅之或冷汗自出手足逆冷其人狂不止

者宜四逆湯冷進

發狂而肌表雖或熱以手按之則冷透手或肩背胸膈

有斑十數點脉極沉細用乾薑附子湯以人參冷進

易集王亂

卷之三

七

惡寒而用表觀短絳以手對之則令透手如骨節酸

皆宜因惡寒令表
惡寒以惡寒之短令其日出手如骨節酸其人亦不出
用劍之藥味以外平之隨其氣風寒入蒸劑于其

發之平因敵不出其人白則姑其大與劍之藥味同當
劍之平因敵不出其人白則姑其大與劍之藥味同當

是也 前書惡之 天門冬 煎黃

則惡寒其表惡劍者發其宜變漸其劍天此煎之藥

并眼交神

循衣摸牀

循衣摸牀危惡之候也有二證其一由太陽中風以火劫汗因成壞病捻衣摸牀小便利者生不利者死其一由陽明裏熱之極循衣摸牀脉弦者生濇者死

太陽中風以火發汗邪風被火兩陽相薰其身發黃陽盛則欲衄陰虛則小便難但頭汗出口乾咽爛或不大

便久則譫語甚者至噦手足躁擾捻衣摸牀小便利者可治汗詳頭傷寒若吐若下後不解不大便五六日上

至十餘日日晡所發潮熱不惡寒獨語如見鬼狀若劇者發則不識人循衣摸牀惕而不安微喘直視脉弦者

傷寒雜論卷之五

生瀉者死微者但發熱譫語者大承氣湯主之若一服

利止後服十餘日者亡津液胃氣虛邪熱內結也陽明

王于帝曰成日哺所發潮熱熱者陽明內實也以為熱氣

者素證罷也獨語如見鬼狀者陽明內實也以為熱氣

不識人至於循衣摸床惕而不安微喘直視傷寒陽勝

而陰絕者死陰勝而陽絕者死熱劇者為陽勝脈弦為

陰勝脈澀則絕陰不足陽熱雖劇脈弦知陰未絕而為

但發熱譫語則可與大承氣湯以下胃中熱經曰凡服下

止後服大便五六日以上至十餘日自傷寒若吐若下後

寒獨語如見鬼狀止為上一截是將潮熱譫語不惡寒

不大便對為現證下文又分作一截以辨劇者微者之

殊微者但發熱譫語但字為義以發熱譫語之外別無

他證其用承氣湯曰一服利止後服見其熱輕猶恐下

之太過也至于劇者發則不識人循衣摸床惕而不安

微喘直視如此熱極證危不可不決其死生以斷之以

脈弦者生瀉者死此陽熱已極若脈弦為陰未絕猶可

下之以復其陰若脈瀉為陰絕不可藥而必死矣今活

人書但言劇者而去其微者二字混兩證通作一證總

曰用承氣湯又將脈弦者生瀉者死本劇者斷語移而

繼于微者服藥之後豈有但發熱譫語無別惡候遽然

脈瀉而致于死耶仲景論中雖別有潮熱譫語脈澀難

治一證乃是服承氣湯後未曾得大便蘊毒不泄脈反

微瀉為正衰邪勝故難治此論中病微者服湯得利後

則邪熱因泄而解矣尚何生死之議耶又云弦者陽也

許有人病傷寒大便不利日晡發潮熱手循衣縫兩

手撮空直視喘急更數醫矣見之皆走此誠惡候得

之者十中九死仲景雖有證而無法但云脈弦者生

瀉者死已經吐下難以下藥謾且救之若大便得通

而脉弦者庶可治也與小承氣湯一服而大便利諸疾漸退脉且微弦半月愈或問曰下之而脉弦者生此何意也予曰金匱玉函云循衣妄撮怵惕不安微喘直視脉弦者生潛者死微者但發熱讖語者承氣湯主之予嘗觀錢仲陽小兒直訣云手尋衣領及捻物者肝熱也此證在正函列於陽明部蓋陽明者胃也肝有熱邪淫于胃經故以承氣瀉之且得弦脉則肝平而胃不受克此所謂有生之理讀仲景論不能博通諸醫書以發明其隱奧吾未之見也海藏云許學士作循衣撮空是肝執嵐淫未疾此論誠當然莫若以為肺熱之邪其人必正女言亂語難經云肺邪入心為譫語

○附

婁嘗治循衣摸床數人皆用大補氣虛之劑惟一人兼調振脉代遂於補劑中略加桂二分亦振止脉和而愈

傷寒循不投

五十三

此何意也予曰合國之醫
喘而視視者生者生者死
易言之下管觀之微陽小
物者則然也此理在正正
也用有乾和
○辨
脾肺和升發於肺中微吐卦二衣亦卦土和味而發
其言言前文對未幾人皆用大劑康盡之濟卦一人燕

渴 經云病人不惡寒而渴者此轉屬陽明也又曰
服柴胡湯已渴者尾銜陽明也故以渴入陽明門

成傷寒邪傳裏則渴邪在表則不渴夫三陽雖或有渴
不如三陰之甚也故太陰腹滿嗌乾少陰口燥舌乾而
渴厥陰則消渴消渴者飲水多而小便少謂其熱能消
水也蓋初傳則熱微而渴微傳深則熱甚而渴甚也凡
渴與水勿令極意三陽微渴者五苓散大渴者白虎湯
三陰熱甚而渴者順下之其或渴微而強多飲之則成
悸動支結喘咳餽噦乾嘔腫滿下利小便不利皆由此
也

太陽病發汗後大汗出胃中乾煩躁不得眠欲飲水者

少少與之令胃氣和則愈若脈浮小便不利微熱消渴者五苓散張煩渴用白虎湯宜也其用五苓散滲津液何哉曰白虎乃表證已解邪傳裏而煩渴者用之今脈尚浮身有微熱而渴乃表邪未全解故用桂枝之辛和肌表白木茯苓之甘淡以潤虛燥也○按此說亦未瑩太陽經也膀胱腑也膀胱者滯之室也五苓散者利溺藥也膀胱者津液之府故東垣以渴為膀胱經本病然則治渴者當瀉膀胱之熱瀉瀉膀胱之熱瀉瀉膀胱之熱者利小便而已矣○發汗已脈浮數煩渴者五苓散○本以下之故心下痞與瀉心湯痞不解其人渴而口燥煩小便不利者五苓散○中風發熱六七日不解而煩有表裏證渴欲飲水水入即吐名曰水逆五苓散方

猪苓 去皮 拾捌銖

澤瀉 壹兩陸銖

茯苓 拾捌銖

桂 去麤皮 半兩

白木 拾捌銖

右五味為末以白飲和服方寸匕日三服多飲暖水汗出愈

苓者令也通行津液剋伐腎邪專為號令者苓之功也五苓之中茯苓為主故曰五苓散內經曰淡味滲泄為陽水飲內蓄須滲泄之必以甘淡為主故以茯苓甘平為君猪苓甘平為臣雖甘也終歸甘淡脾惡濕水飲內蓄則脾氣不治益脾勝濕必以甘溫為助故以白朮甘溫為佐內經曰鹹味滲泄為陰世飲導溺必以鹹為助故以澤瀉為使小畜不行則腎氣燥內經曰腎惡燥急食辛以潤之散濕潤燥必以桂枝辛熱為使多飲暖水令汗出而愈者以辛散而水氣外泄故解

服桂枝湯大汗後大煩渴不解脈洪大者白虎加人參

湯。太陽病發熱而渴不惡寒者為溫病。柴胡白虎桂枝去桂加人參。傷寒無大熱口燥渴心煩背微惡寒白虎加人參湯。傷寒脈浮發熱無汗其表不解者不可與白虎湯。渴欲飲水無表證者白虎加人參湯主之。濁欲飲水無表證者太陽陽證罷轉屬陽明也。下條意亦同皆太陽陽轉屬陽明故渴也。傷寒病若吐若下後七八日不解熱結在裏表裏俱熱時時惡風大渴舌上乾燥而煩欲飲水數升者白虎加人參湯主之。王注云若純在表則惡風無時今表裏無熱故時時惡風也。

白虎加人參湯

治渴而脈洪小便利者

石膏 碎肆兩

知母 壹兩半

甘草 壹兩

粳米 壹合

人參 伍錢

右咬咀每服壹兩水煎溫服

許有人初病嘔吐俄為醫者下之已七八日而內外發熱予診之曰當用白虎加人參湯或曰既吐復下且重虛矣白虎可用乎予曰仲景云若吐下後七八日不解熱結在裏表裏俱熱者白虎加人參湯正相當也。蓋始吐者熱在胃脘而脈至今虛大。三投湯而愈仲景既云傷寒若吐若下後七八日不解表裏俱熱者白虎加人參湯主之又云傷寒脈浮發熱無汗其表不解不可與白虎又云脈浮滑此以表有熱裏

傷寒論 卷之三
有寒白虎加人參湯主之。國朝林億校正謂張仲景於此表裏目差矣。予謂不然。大抵白虎能除傷寒中渴表裏發熱故前後二證。或云表裏俱熱。或云表熱裏寒皆可服之。一種脈浮無汗其表不解全是麻黃與葛根證安可行白虎也。林億見所稱表裏不同便謂之差是亦不思之過也。

○張用藥有遲速之弊故設法以關防法有關防不盡者則著方以拯治也。假如上二條前條乃仲景設法以關防也。後條及傷寒病若吐若下後七八日不解結熱在裏表裏俱熱時時惡風大渴口舌乾燥而煩

欲水數升者以白虎加人參湯主之。此二條則著方以拯治也。夫白虎湯專治大煩大渴古人設法之意惟恐表證未罷而輒用之治有太速之弊若背微惡寒及時時惡風二證其中煩渴已甚非白虎不能遏也。必候表邪俱盡未免有太遲之愆也。此乃法之關防不盡者故著方以拯治也。苟不著方必然違法此方法之妙所以不可偏廢也。

○吳或問白虎湯仲景以表不解者不可與又時時惡風背上惡寒者此有表也。又以白虎主之何也。蓋石膏辛寒解足陽明經本熱蒸蒸發熱潮熱表裏皆熱

舌燥煩渴之聖藥也。且時時者，時或惡風而不常也。背上惡者，但覺微惡而不甚也。所有盛熱躁渴而用，則無疑矣。若夫表證惡寒，常在背上惡寒而不燥渴者，切不可用也。又太陽經發熱而渴，無汗者不可與之。但汗後脈洪大而渴者，則可與也。如陰傷寒，面赤煩躁，身熱與其胃虛惡心，大便不實，脈弱食少，無大熱者，切不可用也。如誤用之，則傾危可立而待矣。

○太陽病重發汗而復下之，不大便五六日，舌上燥而渴，日晡小有潮熱，從心下至少腹鞭滿而痛，不可近者，大陷胸湯。○傷寒發熱惡寒，大渴欲飲水，其腹必滿，自汗

出，小便利，其病欲解。此肝乘肺也，名曰橫刺期門。

○陽明病汗出多而渴者，不可與猪苓湯。以汗多胃中燥，復利其小便故也。白虎加人參湯，小柴胡湯去半夏加瓜蒌竹葉。○張其陽明汗多，此陽明

病未解而渴，胃中津液乾燥，若與猪苓湯復利其小便，是為實實虛虛之弊也。○陽明病脈浮

而緊，咽燥口苦，腹滿而喘，發熱汗出不惡寒，反惡熱，身重若渴欲飲水，口乾舌燥者，白虎加人參湯主之。○若脈浮發熱渴欲飲水，小便不利者，猪苓湯主之。

○少陽傷寒中風往來寒熱，胸脇滿默默不欲飲食，心煩喜嘔，或渴或欬者，小柴胡湯。若渴者，去半夏，加人參、栝蒌根。○傷寒四五日，身熱惡風，項強脇下滿，手足溫而

渴者小柴胡湯。得病六七日，脈遲浮弱，惡風，手足溫，醫二三下之，不能食，而脇下滿痛，面目及身頸項強，小便難者，與柴胡湯後，必下重。本渴而飲水嘔者，柴胡不中與也。或云下重渴欲飲水嘔者，五苓加茵陳蒿湯。

少陰渴而下利，屬少陰。其病但無欲寐，小便白者，四逆湯。兼咳嘔不得眠，小便不白者，猪苓湯。兼自利，純青色水者，大承氣湯。有熱者，白頭翁湯。方論見下利。

厥陰消渴，氣上衝心，心疼，飢不欲食，食則吐，虵若下之，則利不止。若欲飲水，少少與之，愈。邪傳厥陰，則熱已深也。邪自太陽傳至太陰，則腹滿而咽乾，未成渴也。邪至少陰者，口燥舌乾而渴，未成消也。至厥陰而消渴者，熱甚能消水，故也。飲水

多而小便少者，謂之消渴。木生于火，肝氣通心，厥陰客熱，氣上衝心，心中疼熱，傷寒六七日，厥陰受病之時，為傳經盡，則當入府。胃虛客熱，飢不欲食，虵在胃中，無食則動，聞食氣而出，得食虵出，此熱在厥陰經也。設使下之，虛其胃氣，厥陰木邪相乘，必吐下不止。按成氏為表陽邪傳裏者，非也。消渴，心中疼熱也。

隨病治例：渴而頭汗，小便不利，兼脇滿，往來寒熱者，柴

胡桂枝乾薑湯。兼發黃者，茵陳蒿湯。論見

表不解，心下有水氣，乾嘔，發熱，咳嗽，或渴，或利，或噎，或

小便不利，少腹滿，或喘，小青龍湯。又心下有水氣，咳

而微喘，發熱不渴，服湯已渴者，此寒去欲解也。小青龍

湯。俱宜去半夏，加括蕒根。

夏月汗出惡寒，身熱足冷而渴者，為中暑，白虎加人參

○ 蕪咳軟

○ 頭汗

○ 暑

夏月汗出惡寒身熱足冷而渴者為中暑白虎加人參

傷寒論卷之六
發熱惡寒腹滿汗出小便不利而渴者為肝乘脾刺期門
方見中暑惡寒身熱者證似表也足冷者不可表

○表解不惡寒而渴者宜白虎湯
論見

渴而脇滿及往來寒熱證未經汗者小柴胡去半夏
詳見脇滿痛并

加人參瓜蒌湯若汗下後者柴胡桂枝乾薑湯
詳見

往來寒熱
寒熱

渴而心下鞭痛日晡潮熱不大便者為結胸宜大陷胸
論見

湯若但鞭不痛者為痞與瀉心湯不解反渴而小便不
論見

利者宜五苓散
詳見

病在陽明應汗之反以冷水噀之灌之其熱益煩肉上
論見

粟起意欲飲水反不渴者服文蛤散若不瘥與五苓湯
論見

文蛤散方
壹兩即海蛤粉也河間

右一味為散沸湯調服方寸匕
凡漢多用之大能治痰

渴欲飲水而不能飲者丹田有熱胸中有寒
論見

中風發熱六七日不解而煩有表裏證渴欲飲水水入
論見

則吐者名曰水逆五苓散主之
論見

渴欲飲水若太陽發汗後大汗出煩躁不得眠者及厥
論見

陰病氣起衝心心疼吐衄者少少與之愈
論見

少與之
論見

少與之
論見

少與之
論見

少與之
論見

少與之
論見

少與之
論見

少與之
論見

凡得時氣病至五六日而渴欲飲水不能多不當與之何者以腹中熱尚少不能消之更與水作病也至七八日大渴欲飲水者猶當依證與之與之常令不足勿極意也言能飲一斗與五升若飲而腹滿小便不利若喘若噦不可與之忽然大汗出是為自愈也活人云凡病

飲水若小渴咽乾者少少呷潤之令其胃中和乃佳

凡得病反能飲水此欲愈也但聞病飲水自愈小渴者亦強與之飲因成其禍不可復救活人云強飲水致飲

以五苓散或下利脉弱脉數而渴者自愈論見。渴論見

而發熱其脉不弦緊而浮弱者汗出愈論見

○活人云切戒太陽證無汗而渴者不可與白虎湯陽明證汗多而渴者不可與猪苓湯然太陽渴終不可與白虎耶太陽證得汗後脉洪大而渴者方可與之也陽明渴終不可與五苓散耶陽明證小便不利汗少脉浮而渴者方可與之也

○趙活人切戒太陽證無汗而渴者不可與白虎湯陽明證汗多而渴者不可與五苓散愚詳仲景論治渴藥有不可與之戒有二傷寒脉浮發熱無汗渴欲飲水無表證者白虎加人參湯表不解不可與活人不云表不解但云無汗不可與則誤矣經云陽明汗多

而渴不可與猪苓湯活人改作五苓散蓋猪苓專滲
泄五苓兼汗利安得而改之經既云汗多而渴者不
可與猪苓湯而太陽傷寒汗出而渴復用五苓散者
蓋渴雖同汗之多寡則異太陽屬表未至汗多胃躁
故用五苓滲熱和表非若陽明屬裏汗多而胃躁也
經又云陽明發熱汗多急下之均是陽明汗多前證
戒利小便此證不戒利大便何也蓋渴者邪氣散漫
在經未收斂入胃作實此證不渴則內已作實外又
發熱恐熱內竭津液故急下之且猪苓五苓又有可
疑者太陽病脈浮小便不利微熱消渴者五苓散陽
明脈浮發熱渴欲飲水小便不利者猪苓湯脈證皆
同何故用藥之不同耶然太陽邪在表發汗不解故
用五苓和表行津液陽明邪已入裏熱客下焦故用
猪苓滲瀉其熱噫白虎猪苓五苓等藥若能證察于
機微治明于權變則可與不可與庶得仲景之妙外
有自利而渴條下註云傷寒熱入于藏流于少陰之
經少陰主腎腎惡燥故渴而引飲註用猪苓湯白頭
翁湯又後下利問中重出自利而渴條下却云腎虛
故引水自救通用白通四逆猪苓等湯一問以渴為
熱一問以渴為虛水炭不侷何憑分別又且分隸兩

門設使後人臨病檢閱前後兩不相聞疑誤豈小今
詳定少陰病欬而下利嘔渴心煩不得眠及厥陰證
下利欲飲水是皆傳經之邪熱脈必沉細數仲景故
以滑石黃連等清利之其或少陰自利而渴欲吐不
吐心煩但欲寐是直入本經之陰邪也脈必沉微仲
景故以附子乾薑溫之本問何不如此明示脈證合
為一門而明辨之庶一見而兩得焉清之溫之隨其
攸利又何疑誤之有

○**吳凡渴當分六經而治**太陽經標熱在表則不渴若
熱傳入膀胱之本則煩渴脈浮數小便不利也五苓

散切不可與白虎湯凡陽明病脈長標熱無汗而渴
者葛根解肌湯或六神通解散倍葛根以汗解之若
陽明熱傳于胃中本熱惡熱濺濺汗出而渴脈浮洪
數者人參白虎湯五苓不中與也若陽明本熱或蒸
蒸而熱潮熱煩渴舌燥口乾飲水大便實者大柴胡
湯或調胃承氣湯下之若內未實尚未可下宜小柴
胡增損用之少陽脈弦數口苦咽乾發熱而渴者小
柴胡去半夏加瓜蒌根餘見本條太陰自利則不渴
惟少陰有口苦飲水小便色白者此下有寒也脈沉
者附子湯若身寒厥逆脈滑而口渴者此裏有熱也

人參白虎湯凡陰證煩躁口渴不能用水脈沉足冷者宜四逆湯冷飲之凡傷寒時氣等證欲飲水者為欲愈蓋得水則能和其胃氣汗出而解不與水則乾燥無由而作汗遂致悶亂而死也凡與水須察病人勇怯邪熱輕重多少與之寧從不及不可太過恐水多不能滲化停畜為害多矣其水須用新汲井中者為良凡熱病熱甚大便實者以玄明粉一二錢加入水中飲之最妙凡中暑煩渴者加辰砂天水散調水中飲之尤良如虛人煩渴不飲水以燈心煎湯浸水中與之凡口渴細茶湯白梅湯菘豆湯皆可飲香水梨雪梨嫩藕西瓜皆可食凡用冰須以涼水洗去鹽味方可

○戴凡渴問其所飲欲冷欲熱欲多欲少若飲多而欲冷者陽渴也更須審其有何證在經也其太陽證小便不利而渴者五苓散其陽明證大便不利而渴者宜於前本經求之已利猶渴宜白虎湯其少陽證寒熱往來而渴者小柴胡湯去半夏加括蕒根如其數陰亦有自利而渴各已見本經但陰有渴古人多用冷劑以其皆挾陽氣耳經雖陰而病則陽也然亦有下清穀不係熱利純是陰證而反見渴者此是陰在

下隔陽於上，兼因洩瀉津液既去，枯燥而渴。其人雖引飲所飲自少，而常喜溫，不可投冷劑。宜理中湯或四逆湯，加人參一錢，渴甚連理湯。有陽證不渴，陰證反渴者，陽明不甚渴，太陰乃大渴，不可不知治。渴一也有堅腎水而渴止者，有利小便而渴愈者，堅腎水則用天花粉之屬，利小便則用茯苓、猪苓之類。蓋太陰以利小便為先，陽明以利小便為戒。少陽以膽經半表半裏，未可下之。其人或大渴不止，當以小柴胡湯加天花粉之屬，堅其腎水。腎水既堅，自還滲入大腸，大便微通，熱去而渴解。若病在太陽，太陽在膀胱，腎經非利小便則熱無從去，渴何由愈？外有非太陽證，煩躁發渴，此乃陰盛，隔陽不當潤其渴，惟當治其陰。

○附

羅傷寒食少而渴者，當以和胃之藥止之，不可用涼藥止之也。恐復損胃氣，愈不能食。白朮、茯苓是也。

海秦二母病太陰病三日不解，後嘔逆惡心而脈不浮，與之半硫丸二三服不止，復與黃芪建中湯，脈中極緊，無表裏病，胸中大熱發渴，引飲皆曰陽證，欲飲之水，予反與薑附等藥，緊脈反沉細，陽猶未生，以桂附薑烏之

類酒丸與百丸接之二日中十餘服病人身熱煩躁不寧欲作汗也又以前丸接之覆以厚衣陽脈方出而作大汗翌日大小便始通下瘀血一盆如猪肝然用胃風湯加桂附三服血止其寒甚如此亦世所未見也少陰證口燥舌乾而渴尺寸脈俱沉沉遲則四逆湯沉疾則大承氣湯少陰口燥舌乾而渴身表涼脈沉細而虛者瀉心湯主之此有形無形藥也

人參湯 治傷寒七八日汗後心煩燥渴

人參

黃芩

柴胡

葛根 各壹兩

山梔

甘草 炙各半兩

右為麤末每服五錢薑棗煎溫服

活陽毒倍常燥盛大渴者黑奴丸主之方見陽毒風溫加

渴甚者宜瓜蒌湯方見風溫中暑伏熱累治不瘥其人發

渴不已酒蒸黃連丸主之方見中暑

脈熱病在腎令人渴口乾舌焦黃赤晝夜欲飲水不止腹大而脹尚不厭飲目無精光者死不治

則大則謂尚不煩者目無辭光者亦不煩則四逆也
風熱麻五習令人出口舌黃赤者亦煩者亦不吐
感不吐而蒸黃者亦主之中胃
感其者宜久養也風盛中胃者熱氣不養其人發
齒則毒皆常熱溢大感者黑如主之風毒風盛吐
古為蠱末其銀正驗傳藥煎盛銀

嘔 乾嘔欲吐

成嘔者聲物兼出也俗謂之哕非也夫哕與噦蓋字異
而音義俱同吐者但吐出其物而無聲故有乾嘔而無
乾吐嘔有責為熱者責為寒者至於吐家則悉言虛冷
也嘔又有停飲者有胃腕有膿者皆當明辨之嘔而發
熱者柴胡湯證具與其嘔不止心下急鬱鬱微煩大柴
胡湯主之者是邪熱為嘔也膈上有寒飲乾嘔者不可
吐也當溫之與其乾嘔吐涎沫頭痛者吳茱萸湯主之
是寒邪為嘔也先嘔後渴者此為欲解先渴後嘔者為
水停心下此屬飲家是停飲嘔者嘔家有癰膿不須治

膿盡自愈是胃脘有膿而嘔也諸如此者雖有殊別大抵傷寒表邪欲傳裏裏氣上逆則為嘔也是以半表半裏證多云嘔也傷寒三日三陽為盡三陰當受邪其人反能食而不嘔此為三陰不受邪是知邪氣傳裏者必致嘔也至於乾薑附子湯證云不嘔不渴為裏無熱十棗湯證云乾嘔短氣汗出不惡寒者此表解裏未和也卽此視之其嘔為裏熱明矣嘔家之為病氣逆者必散之痰飲者必下之千金曰嘔家多服生薑此是嘔家聖藥是要散其逆氣也金匱要略曰嘔家用半夏以去其水水去嘔則止是要下其痰飲也嘔多雖有陽明證不可攻也謂其氣逆而未收斂為實也其嘔而脈弱小便復利身有微熱見厥者已為難治蓋謂其虛寒之甚也醫者必審其邪氣之虛實疾證之逆順為施藥劑治則當矣

太陽病或已發熱未發熱必惡寒體痛嘔逆脈陰陽俱緊者名曰傷寒麻黃湯。太陽病過經十餘日反二三下之後四五日柴胡證仍在者先與小柴胡湯嘔不止心下急鬱鬱微煩者為未解也與大柴胡湯下之則愈

按仲景雖曰嘔家雖有陽明證不可攻攻之為逆然陽明伏熱熏蒸清道而嘔且煩者非以苦寒直折之不可也故用大柴胡下之

傷寒發熱汗出不解心下痞鞭嘔吐而下

傷寒

卷之三

九

利者大柴胡。太陽病過經十餘日心下溫溫欲吐而
 胃中痛大便反澹腹微滿鬱鬱微煩先此時自極吐下
 者與調胃承氣湯若不爾者不可與但欲嘔胃中痛微
 澹者此非柴胡證以嘔故知極吐下也。成心下溫溫欲吐鬱鬱微煩胃中痛富責邪熱客於胸中大便反澹腹微滿則邪熱已下於胃也日數雖多若不經吐下止是傳邪亦未可下當與柴胡湯以除上中二焦之邪若曾吐下傷損胃氣胃虛則邪乘虛入胃為實非柴胡湯所能去調胃承氣湯下胃熱以嘔知胃氣先曾傷動也。○按經文溫溫當作溫溫又以嘔下當有闕文蓋嘔家正為柴胡證也豈逸微澹和。嘔而發熱者小柴胡湯主之。傷寒六七日發熱微惡寒支節煩疼微嘔心下支結外證未去者柴胡加桂枝湯主之。○太陽與陽明合病不利但嘔者

葛根加半夏湯王之。活人云頭疼身熱痛肌熱目疼鼻乾而浮而長是也。

葛根半夏湯方

葛根

半夏

各貳錢

麻黃

生薑

各壹錢半

甘草

芍藥

桂枝

各壹錢

大棗

貳枚

右咬咀以水一斗先煎麻黃葛根減二升去白沫納諸藥煎取三升溫服一升覆取微汗

陽明傷寒發熱無汗嘔不能食而反汗出濇濇然者是

轉屬陽明也。

大柴胡湯

○食穀欲嘔者屬陽明也。

吳茱萸湯

主之得湯反劇者屬上焦也。

葛根半

和

傷寒嘔多雖有

陽明證不可攻之黃芩生薑半夏湯小柴胡湯

活人用

桔梗湯

○陽明病，脇下鞅滿，不大便而嘔，舌上白胎者，可與小柴胡湯。○陽明病，反無汗而小便利，二三日嘔而欬，手足厥者，必苦頭痛。或用真武湯去茯苓。

○少陽嘔而往來寒熱，胸脇苦滿者，宜小柴胡。若兼下利者，乃太陽少陽合病，宜黃芩加半夏生薑湯。論見往來利。○太陽陽明合病，自下利者，為在表，當與葛根湯發汗。陽明少陽合病，自下利者，為在裏，可與承氣湯下之。此與黃芩湯以和解之。嘔者，胃氣逆也。故加半夏生薑以散逆。

○傷寒五六日嘔而發熱者，柴胡湯證具，而以他藥下之，柴胡證仍在者，復與柴胡湯。○血弱氣盡，腠理開，邪氣因入，與正氣相搏，結于脇下，正邪分爭，往來寒熱，休作有時，默默不欲飲食，藏府相連，其痛必下，邪高痛下，故使嘔也。小柴胡湯主之。邪氣外甚，陽不主裏，裏氣不和，氣下而不上者，但下利而不嘔，裏氣上逆而下者，但嘔而不下利也。與小柴胡湯以解半表半裏之邪。○渴而飲水嘔者，柴胡不中與也。活人云：宜治瀰問水瀉。

○太陰太陰之為病，腹滿而吐，食不下，自利益甚，時腹自痛，若下之，必胸下結鞅。○少陰病下利六七日，欬而嘔，渴心煩不得眠者，猪苓湯主之。○少陰病下利，脈微澀，嘔而汗出，必數更衣，反少者，當溫其上，灸之。○少陰病二三日不已，至四五日，腹痛，小便不利，四肢沉重疼痛，自下利者，此為有水氣，其

痛，小便不利，四肢沉重疼痛，自下利者，此為有水氣，其

人或欬或小便利或下利或嘔者真武湯去附子加生薑

厥陰傷寒熱少厥微指頭寒默默不欲食煩躁數日小

便利色白者此熱除也欲得食其病為愈若厥而嘔胸

脇煩滿者其後必便血黃芩芍藥湯抵當湯嘔而脈

弱小便復利身有微熱見厥者難治四逆湯傷寒本

自寒下醫復吐下之寒格更逆吐下若食入口即吐乾

薑黃連黃芩人參湯傷寒邪自傳表為本自寒下醫反

吐下損傷正氣寒氣內為格拒經

曰格則吐逆食入口即吐謂之寒格更復吐下則重虛

而死是更逆吐下與乾薑黃芩人參湯以通寒格趙

仲景之意以本因寒下醫復吐下因成寒格吐證經云

格則吐逆若更復吐下治之為逆故用乾薑以溫裏黃

連黃連黃芩反佐以取之入參補正氣也今活人却言關脈

通故用此藥何耶雖然脈遲為胃中虛冷而吐者固也

又有脈數為胃中虛冷而吐者仲景嘗言之矣病人脈

數數為客熱當消穀引食而反吐者此以發汗令陽氣

微鬲氣虛脈乃數也數為客熱不能消穀以胃中虛

冷故吐也今以其脈異證同故引此以為診視之別

虵厥者其人當吐虵今病者靜而復時煩此為藏寒虵

上人膈故煩須臾復上得食而嘔又煩者虵聞食臭出

其人當自吐虵烏梅丸詳吐

渴先渴却嘔者為水停心下此屬飲家活人云赤茯苓湯主之

先嘔却渴者此為欲解候也金匱云嘔思水者急與之

下利嘔而下利有寒熱者為陽宜黃芩湯大柴胡湯無

熱者為陰宜猪苓湯真武湯並見吐利門

傷寒論
嘔而心煩若汗吐下後者梔子生薑豉湯若未曾吐
汗下後蕪欬而渴者宜猪苓湯詳見不
得眠
嘔家有瘕膿者不必治膿盡自愈○服桂枝嘔者酒客
病

○戴陽明證具雖顯然有可下證者蕪之嘔多猶屬上
焦未可遽下宜小柴胡湯若太陽不與少陽陽明合
病而獨見太陽證或吐瀉者恐病人鬲間素有痰飲
停飲傷滯且以二陳湯定之候嘔吐定徐進解太陽
經藥若先嘔却渴者宜猪苓湯先渴却嘔者宜治鬲
間之水小半夏茯苓湯渴欲飲水水入即吐吐已復

渴名曰水逆由心經受熱而小腸不利也宜五苓散
若少陰不渴而吐或乾嘔者理中湯去白朮加生薑
嘔而吐涎沫者吳茱萸湯○太陰厥陰間有嘔吐太
陰宜理中湯厥陰宜四逆湯並加生薑煎已上陰證
乃陰中之陰宜用熱劑陽入陰者能為利而不為嘔
嘔屬上而近於外也陽之所入者深故利也○又有
陽證病新瘥後見嘔別無所因此餘熱在胃脘也宜
竹葉石膏湯或橘皮竹茹湯○大凡得之太陽而嘔
者必是合病嘔乃病漸入內非正太陽也曾記有人
初得病太陽證有嘔吐不住藥投暖劑莫能治之知

傷寒論
卷之五
辨嘔吐下利病脈

太陽已汗解固當用冷劑是太陽見嘔非合陽明則
合少陽其嘔為熱用暖劑非矣。又記有人初病具
太陽證而嘔一家少長患狀悉類與養胃湯入服無
不立効此時行之氣適然如此是為傷寒雜病又非
可以正經傷寒律之也

○果初得之嘔逆嘔噦清水嘔吐飲食者皆着寒傷胃
也如惡寒拘急未發熱而嘔逆或吐食者宜加減藿
香正氣散或人參養胃湯若已發熱者十味芎蘇散
發散或葛根湯加生薑半夏若自汗者不可發汗宜
正氣散去紫蘇以和之凡發熱即苦脈弦數而嘔心

煩而嘔胸脇滿而嘔往來寒熱而嘔日晡發熱而嘔
皆屬少陽並小柴胡倍加半夏生薑主之熱少減黃
芩口乾加葛根括蕒根心煩加薑汁炒黃連心下痞
滿加枳實若潮熱內實不大便嘔不止心下鬱鬱微
煩者大柴胡下凡嘔吐胃家有熱脈弦數口苦煩渴
胃有寒脈弦遲逆冷不食有水氣先渴後嘔腹滿怔
忡有膿血喉中腥氣奔逆上衝不煩治之嘔膿盡自
愈此四者不可不辨凡太陰腹滿吐食不下或腹痛
嘔吐脈沉者理中湯加半夏陳皮藿香厚朴生薑之
類寒甚加附子凡少陰飲食入口即吐心下溫溫欲

吐復不能吐手足寒脉沉細者四逆湯加半夏生薑
橘皮之類凡厥陰嘔吐涎沫逆冷脉沉微者吳茱萸
四逆湯加半夏生薑陳皮之類

乾嘔欲吐太陽中風陽浮而陰弱陽浮者熱自發陰弱
者汗自出齋齋惡寒淅淅惡風翕翕發熱鼻鳴乾嘔者
桂枝湯○傷寒表不解心下有水氣乾嘔發熱而欬或
渴或利或噎或小便不利少腹滿或喘者小青龍湯
○張或問小青龍與小柴胡證皆嘔而發汗表裏之證
大槩彷彿何故二方用藥之不同曰夫傷寒表不解
裏熱未甚而渴欲飲水不能多不當與之以腹中熱

尚少而不能消水飲停蓄故作諸證然水寒作病非
溫熱之劑不能解故用小青龍湯發汗散水原其理
初無裏證因水寒以致然也夫小柴胡證係傷寒發
熱熱邪傳裏在于半表半裏之間熱氣內攻故生諸
證緣二證雖曰表裏俱病其中寒熱不同故用藥有
薑桂柴芩之異也

傷寒中風醫反下之其人下利日十數行穀不化腹中
雷鳴心下痞鞭而滿乾嘔心煩不得安醫見心下痞謂
病不盡復下之其痞益甚此非熱結但以胃中虛客氣
上逆故便鞭也甘草瀉心湯○傷寒一日太陽受之脉

若靜者為不傳。煩欲吐若躁煩，脈數急者為傳也。宜與麻黃湯。表罷，小柴胡白虎湯。傷寒胸中有熱，胃中有邪氣，腹中痛，欲嘔吐者，黃連湯。太陽中風，下利嘔逆，表解者可攻之。其人漐漐汗出發作，有時頭痛，心下痞，鞭滿引脇下痛，乾嘔短氣，汗出不惡寒者，此表解裏未和也。十棗湯。太陽病不解，轉入少陽者，脇下鞭滿，乾嘔不能食，往來寒熱，尚未吐下，脈沉緊者，與小柴胡湯。

張或云乾嘔脇痛小柴胡十棗湯皆有之一和解一攻伐何也蓋小柴胡病在半表半裏間外有寒熱往來內有乾嘔諸病所以不可攻下宜和解以散表裏之邪夫十棗湯證外無寒熱其人漐漐汗出此表已解也但頭痛心下痞鞭滿引脇下痛乾嘔短氣者邪熱內蓄而有伏飲是裏未和也與十棗湯以下熱逐飲已上二證宜

從表證以決有裏證而乾嘔脇痛者乃柴胡湯證也無表證而乾嘔脇痛即十棗湯證也上文所言頭痛者而欲吐者屬陽明也吳茱萸湯得湯反劇者屬上焦也小

柴胡湯。梔子鼓湯。黃芩湯。食穀欲吐者胃不受也與吳茱萸湯以溫胃得湯反劇者

上焦不納也。少陰病飲食入口即吐，心中噓噓欲吐不能

吐，始得之，手足寒，脈弦遲者，此胸中實，不可下。當吐之。若膈上有寒飲，乾嘔者不可吐也。急溫之，宜四逆湯。

少陰病下利不止，厥逆無脈，乾嘔煩者，白通加豬膽汁湯。少陰病下利清穀，裏寒外熱，手足厥冷，脈微欲絕，身反不惡寒，其人面赤色，或腹痛，或乾嘔，或咽痛，或利

傷寒論
正脈不出者通脈四逆湯。少陰病欲吐不吐心煩但欲寐五六日自利而渴者屬少陰也。太陰病脈微細沉但欲臥汗出不煩自欲吐至五六日自利復煩躁不得臥者死。病解後虛羸少氣欲吐者竹葉石膏湯。

○附

赤茯苓湯 治傷寒嘔噦心下滿胃膈有停水頭眩心

悸

赤茯苓

人參 各壹兩

半夏 薑製

橘紅

芎藭

白朮 各半兩

右咬咀每服四錢薑五片水煎服

葛根湯 治傷寒乾嘔不止

葛根

人參

麥門冬 去心

炙甘草

各壹兩

半夏

薑製

黃芪

各柒錢半

白茯苓

白朮

各半兩

右咬咀每服三錢生薑三片棗二枚同煎服

和解

小柴胡湯

小柴胡加桂湯

傷寒論

卷之三

七

正脈不出者... 欲寐五六日自利... 沉但欲臥汗出不煩自欲... 得臥者死... 病解後虛羸... 氣欲吐者竹葉石膏湯

○附
亦如也... 三益... 半夏... 三升... 一升... 同煎... 頭眩心

白茯苓 白朮 各半兩

炙甘草 各壹兩 半夏 薑棗 黃芩 各半兩 參 各半兩

葛根 麥門冬 去心

葛根 欲射寒溼脚不立 水煎服

少陽病 口苦咽乾 眩 往來寒熱 胸脇痛

胸滿 胸痛 耳聾

少陽經治法雖悉屬和解然有誤汗譏語屬胃一證宜

調胃下之少陽雖無汗解之法然有小柴胡加薑桂者

亦溫解微汗之意又此經本證曾脅痛耳聾寒熱往來

乾嘔或嘔苦水宜小柴胡湯和解之倘不解者却宜大

柴胡湯下之若曾脇多痰瓜蒂散吐之斯仲景之微旨

也

和解 小柴胡湯 小柴胡加桂湯

吐 瓜蒂散

下

調胃承氣湯

大柴胡湯

少陽之病口苦咽乾目眩也

足少陽者膽經也內經口有病口苦者名曰膽瘧

乙經曰膽者中精之府五藏取決於膽咽為之使少陽之脈起於目銳眥少陽受邪故口苦咽乾目眩

二云宜小柴胡湯○尺寸俱弦者少陽受病也以其脈循脇絡於

耳故胸脇痛而耳聾查少陽篇有胸脇滿而無痛證或云少陽病耳聾目赤胸滿而煩

為中風口苦咽乾目眩為傷寒○少陽中風兩耳無所聞目赤胸中滿

而煩者不可吐下吐下則悸而驚誤吐氣虛者悸誤下血虛者驚○傷

寒脈弦細頭痛發熱者屬少陽少陽不可發汗發汗則

譫語此屬胃不和則愈胃不和則煩而悸成經曰三部受病脈細者邪漸傳裏雖頭痛發熱為表未解以脈弦細知邪客少陽為半在表半在裏則不可發汗發汗亡

液胃中乾燥少陽之邪因傳入胃必發譫語當與調胃承氣湯下之胃和則愈不下則胃為少陽太邪干之

故煩而悸○凡頭痛俱為在表惟此頭痛為少陽者何以脈弦細也可汗不可汗當以此為法○此少陽陽明

宜重則小承氣輕則大柴胡蓋少陽不可下陽明不可不下故以小承氣湯少與之取微利也成氏以調胃承氣主之誤矣調胃承氣○傷寒三日少陽脈小者欲

太陽陽明藥也不可不審○傷寒三日少陽脈小者欲

已也成內經曰大則邪至小則平傷寒三日邪傳少陽陽脈當弦緊今脈小者邪氣微而欲已也○少

陽病欲解時從寅至辰上內經曰陽中之少陽通於春氣寅卯辰少陽未旺之時

○海辨表裏中三說假令少陽證頭痛往來寒熱脈浮

此三證但有一即為表也口失滋味腹中不和大

小便或閉而不通或泄而不調但有一即為裏也

如無上下表裏證餘皆虛熱也是病在其中矣

傷寒少陽病 卷之三
○張或謂少陽膽經繁紆盤屈皆多于各經及觀少陽篇中治證至簡又不聞何藥為本經之正法何也夫經絡所據太陽在後以為表陽明在前以為裏少陽在側夾于表裏之間故曰半表半裏治法在表者宜汗在裏者宜下既居兩間非汗下所宜故治療無正法也經曰少陽中風兩耳無聞目赤胸中滿而煩者不可吐下吐則悸而驚上條又云不可發汗似此其汗下吐三法皆少陽所忌其劑不過和解而已所以仲景止以小柴胡湯而為用至當也然而經絡支別雖多所行非由正道故為病亦不能多矣

○口苦咽乾

口乾 舌乾 咽不利 口爛

成咽乾口燥舌澀俱為熱證但有微甚耳惟太陽中寒桂枝附子湯證由誤汗咽乾作甘草乾薑湯以復其陽者隨其逆治壞病者非治其本寒也然咽乾之由有由汗下後而得者有不因汗下而得者其間治法或和解或微汗或急下或微下當考兼有之證而施輕重之治然其為熱則一也蓋經謂咽喉乾燥亦不可汗以其多有裏證故也實無寒病善治者尤宜互考渴條乃獲全功

○太陽咽喉乾燥者不可發汗津液不足也傷寒脈浮自汗

傷寒口燥 卷之三

小便數心煩微惡寒脚攣急本桂枝附子湯證反與桂枝湯攻表得之便厥咽乾煩躁吐逆者甘草乾薑湯。

傷寒吐下後七八日不解表裏俱熱時時惡風大渴舌上乾燥而煩者白虎加人參湯。本下之心下痞與瀉

心湯痞不解其人渴而口燥煩小便不利者五苓散。太陽病重發汗復下之不大便五六日舌上燥渴日晡

小有潮熱從心下至小腹硬滿而痛者大陷胸湯。陽明病腹滿脉浮緊口苦咽乾而喘若其人發熱惡寒

誤下之則腹滿小便難若其人發熱不惡寒反惡熱誤下之則胃空虛為懊憹誤下之則譫語誤加燒針則不

得眠許學士云宜小柴胡湯。陽明病口燥漱水不欲嚥者必衄

或用黃芩芍藥湯犀角地黄湯。陽明病汗若下後渴欲飲水口乾舌燥者白虎加人參湯。脉浮發熱口乾

鼻燥能食者必衄或用黃芩湯。陽明中風口苦咽乾腹滿微喘發熱惡寒脉浮而緊或用麻黃小柴胡湯。

少陽口苦咽乾目眩宜小柴胡湯。少陰病自利清水色純青心下痛口乾燥者急下之宜

大承氣湯。少陰病得之二三日口燥咽乾者急下之。大承氣湯成傷寒傳經五六日邪傳少陰則口燥舌乾

而渴為邪漸深也今少陰病得之二三日邪氣未深入之時便作口燥咽乾者是邪熱已甚腎水乾也急與大承湯下之以全腎也正經自病其深入宜急

傷寒口燥

喉之三

六

下之若躁則死腎水乾燥故也○張或云承氣湯陽明當下之證宜用今少陰病亦用何也蓋胃為水穀之海主養四旁四旁有病皆能傳之入胃其胃土燥則腎水下之以全腎水夫土實則水清謂水穀不相混故自利清而口乾燥此胃土實熱而致然也下利色青青肝也乃肝邪傳腎緣腎之經脈從肺出絡心注胸中由是而心下痛故急下以去實熱逐腎邪其六七日腹脹不大便以入府之邪壅甚胃土勝則腎涸故急下以逐胃熱滋腎水蓋陽明與少陰皆有急下之條然而證雖不同其入府之理則一是以皆用大承氣也○按舌乾輕咽乾重者蓋咽舌雖皆通于少陰之絡而舌又為心之苗也傷寒喜陽而惡陰故舌乾為輕也

厥陰傷寒六七日大下後寸脈沉而遲手足厥冷下部

脈不至咽喉不利唾膿血泄利不止者難治麻黃升麻

湯○傷寒一二日至四五日而厥者必發熱應下之反

發其汗必口傷爛赤

○吳少陰脈疾可下脈沉附子湯加知母黃蘗麥門冬

五味子天花粉若虛熱病後煩熱不解者以竹葉石

膏湯須去半夏加天花粉潤之凡發汗吐下後口燥

咽乾此津液衰少腎水不升虛火上炎也宜生津益

氣湯或竹葉石膏湯若脈沉微足冷舌燥者多難治

其少陰有急下以救腎水之例若虛人水竭火燥不

可下者以補中益氣湯倍加人參五味麥門冬天花

粉黃蘗知母以滋水也

狐惑病亦咽乾默默不欲眠目不能閉聲啞咽乾為狐

傷寒口燥 卷之三
惑但蟲蝕下部者為狐其咽乾下唇有瘡黃連犀角湯
○趙活人謂脾藏有熱則津液枯少故令口燥而咽乾
津液枯少固也然非獨脾藏有熱脾主太陰太陰腹
滿而咽乾此可言脾熱特一證耳餘皆非也如白虎
加人參湯證口舌乾燥者表裏俱熱也口苦咽乾者
少陽經熱或陽明中風也口燥咽乾急下之自利清
水色純青心下痛口乾燥者少陰經熱也咽乾煩躁
吐逆者誤汗津液少而欲作陽明內熱者如上述
證豈亦脾藏有熱哉

○眩

凡傷寒頭眩者莫不因汗吐下虛其上焦元氣之所致
也眩者目無常主頭眩者俗謂頭旋眼花是也眩冒者
昏冒是也少陽口苦咽乾目眩者少陽居表裏之間以
表邪漸入于裏表中陽虛故目眩也太陽少陽併病或
眩者責其虛也傷寒有起則頭眩與眩冒者皆汗吐下
後所致是知其陽虛也故針經曰上虛則眩下虛則厥
眩雖為虛又陽明中風但頭眩不惡寒者此又風主眩
也凡此皆非逆候及其諸逆發汗劇者言亂目眩者死
噫病勢已成可得半愈及病已劇神醫莫為也

太陽傷寒若吐若下後心下逆滿氣上衝胸起則頭眩

脈沉緊發汗則動經身為振振搖者茯苓桂枝白朮甘

湯主之吐下後裏虛氣上逆心下逆滿氣上衝胸表虛

陽不足起則頭眩脈浮緊邪在表當發汗脈沉

緊邪在裏不可汗汗則外動經絡損傷陽氣則不能主

持諸脈身為振振搖也與此湯以和經益陽○真武湯

主之汗後補不止用傷寒吐下後發汗虛煩脈甚微

八九日心下痞鞭脇下痛氣上衝咽喉眩冒經脈動惕

者久而成痿傷寒吐下後發汗則表裏之氣俱虛虛煩

正氣當復邪氣當罷尚心下痞脇下滿氣上衝咽喉眩

冒者是正氣未復而邪留也經脈動惕者經絡之氣虛

極久則熱氣還經必成痿弱○或用真武湯桂枝茯苓白朮甘草湯

太陽少陽併病心下鞭頸項強而眩者當刺大椎肺俞

禁下○太陽少陽併病頭項強痛眩冒時如結胸心下

痞鞭刺大椎第一間肺俞肝俞禁發汗汗則譫語脈弦

五六日譫語不止刺期門

陽明病脈遲食難用飽飽則微煩頭眩必小便難欲作

穀疸須下之腹滿如故所以然者脈遲故也見前陽明

陽明病但頭眩不惡寒故能食而欬其人必咽痛若

不欬者咽不痛陽明病身不重但頭眩而不惡寒者陽

食名中風風邪攻胃胃氣上逆則欬咽門者胃之系欬

甚則咽傷故咽痛若胃氣不逆則不欬其咽亦不痛也

○四逆散加桔梗小柴胡乃本經中風非傷寒小承氣湯

少陽少陽之病口苦咽乾目眩也小柴胡湯加

天麻川芎

少陰病下利止而頭眩時時自冒者死下利則水穀竭眩冒則陽氣脫

死故

動氣在左誤汗則頭眩汗不止筋惕肉瞤方論見動氣活人云宜小

建中諸逆誤汗而言亂目眩者死論見譚語前元

○吳太陽中風頭眩頭搖者脈浮弦而急也羌活神朮

湯加防風天麻之類若血虛頭眩者以四物湯加人

參天麻之類若痰火上攻者加酒芩竹瀝之類若內

傷勞役陰虛頭眩者宜補中益氣湯加川芎天麻防

風蔓荊子之類若下焦元氣虛脫者宜人參養榮湯

或大建中湯加天麻曾治一婦人服藿香正氣三劑

汗出過多頭眩身搖發熱脈虛數遂用人參養榮湯

倍加人參為主加天麻少佐酒炒黃蘗二服而愈易

老曰頭旋目黑非天麻不能除故加之少加黃蘗以

救腎水也

殊習水也
夫曰題茲目黑非天麻不指斜姑吡之少吡黃藥以
奇叭人參燕主心天麻少卦酉心黃藥二眼而愈良
我出豈多題却其斜發燕祖氣環滋用入參養藥息

往來寒熱

成往來寒熱者寒已而熱作熱已而寒起蓋寒為陰熱
為陽裏為陰表為陽邪客于表與陽爭則發寒矣邪入
于裏與陰爭則發熱矣表邪多則寒多而熱少裏邪多
則熱多而寒少邪在半表半裏之間外與陽爭而為寒
內與陰爭而為熱表裏之不拘內外之無定由是寒熱
往來而無常也故以小柴胡立諸加減法以和解之又
寒熱如瘧與夫往來寒熱似是而非也如瘧者止作有
時正氣與邪爭則作分則止矣往來寒熱則止作無時
或往或來日有三五發或者十數發此其與瘧異也雖

然往來寒熱屬半表半裏當和解之又有病至十餘日
熱結在裏復往來寒熱亦宜大柴胡下而愈。趙傷寒
百問歌第五十九問中以陰陽相勝陽不足則先寒後
熱陰不足則先熱後寒此特論陰陽雜病二氣自相乘
勝然也非可以語傷寒。

傷寒五六日中風往來寒熱胸脇苦滿默默不欲飲食
心煩喜嘔或胸中煩而不嘔或渴或腹中痛或脇下痞
鞭或心下悸小便不利或不渴身有微熱或咳者與小
柴胡湯主之。成病有在表者有在裏者有在表裏之間
五六日邪氣自表傳裏之時中風者或傷寒至五六日
也王函曰中風五六日傷寒往來寒熱即是或中風或

傷寒非是傷寒再中風中風復傷寒也。經曰傷寒中風
有柴胡證但見一證便是不必悉具者。正是謂或中風
或傷寒也邪在表則寒邪在裏則熱今邪在半表半裏
之間未有定處是以寒熱往來也邪在表則心腹不滿
邪在裏則心腹脹滿今止言胸膈苦滿知邪氣在表裏
之間少陽行身之側曾脇為少陽之部故經曰其脈循
脇絡於耳故曾脇痛而耳聾默默靜也邪在表則呻吟
不安邪在裏則心煩悶亂內經曰陽入之陰則靜默默
者邪方自表之裏在表裏之間也邪在表則能食邪在
裏則不能食不欲飲食者邪在表裏之間未至於必不
能飲食也邪在表則不煩不嘔邪在裏則煩滿而嘔
心煩喜嘔者邪在表方傳裏也邪初入裏未有定處則
所傳不一故有或為之證有柴胡證。本太陽病不解
但見一證便是即是此或為之證。

轉入少陽者脇下鞭滿乾嘔不能食往來寒熱尚未吐
下脈沉緊者與小柴胡湯。成太陽轉入少陽是表邪入
于裏脇下鞭滿不能食往來
寒熱邪在半表半裏之間若已經吐下脈沉緊者邪氣
入府為裏實尚未可吐下脈沉緊為傳裏雖深未至入

傷寒注來寒熱 卷之二 六

府外猶未解與小○若已吐下發汗溫針譫語柴胡湯

證罷此為壞病知犯何逆以法治之裏之間若妄吐下

發汗溫鍼損耗津液胃中乾燥木邪于胃必發譫語若

柴胡證不罷者則不為逆柴胡證罷者壞病也詳其因

何治之逆以法救之○救壞病助榮衛生津液桂枝湯求之

而復下之胸脇滿微結小便不利渴而不嘔但頭汗出

往來寒熱心煩者此為未解也柴胡桂枝乾薑湯主之

難知曰若用柴胡而移時于早晚氣移于血血移于氣

是邪無所容之地故知其欲自解也○傷寒五六日已

經汗下之後則邪當解今胸脇滿微結小便不利渴而

不嘔但頭汗出往來寒熱心煩者與邪氣猶在半表半

裏之間為未解也胸脇滿微結寒熱心煩者邪在半表

半裏之間也小便不利而渴者汗下後亡津液內燥也

若熱消津液令小便不利而渴者其人必嘔今渴不嘔

知非裏表也傷寒汗出則和今但頭汗出餘處無汗者

津液不足而陽虛于上也與柴胡桂枝乾

薑湯以解表裏之邪復津液以助陽也

○血弱氣盡

腠理開邪氣因入與正氣相搏結於脇下正邪分爭往

來寒熱休作有時默默不欲飲食藏府相連其痛必下

邪高痛下故使嘔也小柴胡湯主之

按血弱氣盡至結

於脇下是釋胃脇

苦滿句正邪分爭三句是釋往來寒熱句倒裝法也默

默不欲飲食無上文滿痛而言藏府相連四句釋心煩

喜嘔也

小柴胡湯方

柴胡 半斤

甘草

大棗 十二枚

半夏 湯洗

黃芩

人參

生薑 各參兩

右七味以水一斗二升煮取六升去滓再煎取三升
温服一升日三服

内經曰熱淫于内以苦發之柴胡黃芩之苦以發
傳邪之熱裏不足者以甘緩之入參甘草之甘以緩
中和之氣邪半入裏則裏氣逆辛以散之半夏以除
嘔邪在半表則榮衛爭之辛甘解之薑棗以和榮衛
○加減法少陽邪在胸中

若胸中煩而不嘔去半夏人參加括蕒實一枚胸中

不嘔熱聚而氣不逆也甘者令人中滿方熱聚無用
人參之補辛散逆氣既不嘔無用半夏之辛温熱宜
寒療聚宜苦括蕒若渴者去半夏加人參合前成四
兩半括蕒根肆兩半夏燥津液非渴者所宜人參甘
而潤括蕒根苦而涼微熱生津二
物為若腹中痛者去黃芩加芍藥三兩去黃芩惡寒
當

通壅○通壅功
少止痛功大若脇下痞鞭去大棗加牡蠣四兩甘

人中滿痞者去大棗之甘鹹
以栗之痞鞭者加牡蠣之鹹若心下悸小便不利者

去黃芩加茯苓四兩飲而水蓄不行為悸小便不利
內經曰腎欲堅急食苦以堅腎

得苦則水益堅故去黃芩淡味
滲泄為陽茯苓甘淡以泄伏水若不渴外有微熱者

去人參加桂三兩温覆取微汗愈不渴者裏和也故
去人參外有微熱

表未解也加
桂以發汗若欬者去人參大棗生薑加五味子半

升乾薑二兩欬者氣逆也甘則壅氣故去人參大棗
內經曰肺欲收急食酸以收之五味子
之酸以收逆氣肺寒則欬散以
辛熱故易生薑以乾薑之熱也

○傷寒邪氣在表者必瀆形以為汗邪氣在裏者必蕩

滌以取利其於不外不内半表半裏是當和解則可

也。小柴胡和解表裏之劑。內經曰：熱淫于內，以苦發之。邪在半表半裏，則半成熱矣。熱氣內傳，變不可測，須迎而奪之，必先散熱。是以苦寒為主，故以柴胡為君，黃芩為臣，以成徹熱發表之劑。邪氣傳裏，則裏氣不治，故用人參、甘草為佐，以扶正氣而復之也。邪初入裏，氣必逆也。是以辛散之物為之助，故用半夏為佐，以順逆氣而散邪也。裏氣平正，則邪氣不得深入，是以三味佐柴胡以和裏。內經曰：辛甘發散為陽表，邪未已，迤邐內傳，既未作實，宜當兩解。其在外者，必以辛甘發散，故用生薑、大棗為使，輔柴胡以和表也。

七物相合，兩解之劑當矣。邪氣自表未歛，為實乘虛而湊，則所傳不一，故有增損以禦之。胸中煩而不嘔，煩者熱也，嘔者氣逆也。煩而不嘔，則熱聚而氣不逆，邪氣欲漸成實也。人參、甘補去之，使不助熱也。半夏辛散去之，以無逆氣也。除熱必以寒，泄熱必以苦，加括蕒實以通胸中之鬱熱。若渴者，津液不足，半夏味辛性燥，滲津液物也。去之，則津液易生。人參味甘而潤，括蕒根味苦而堅，堅潤相合，津液生而渴自已。邪氣入裏，裏氣不足，則壅寒而腹中痛。黃芩苦寒而寒中，去之，則氣易和。芍藥酸泄而利中，加之，則裏氣得

通而痛自己。內經曰：甘者令人中滿，大棗甘溫，去之則鞭滿散，鹹以熨堅，牡蠣味酸鹹寒，加之則痞者消而鞭者熨，若心下悸，小便不利，水畜而不行也。內經曰：腎欲堅，急食苦以堅之。堅腎則水益，堅黃芩苦寒，去之則畜水，浸行。內經曰：淡味滲泄，為陽，茯苓甘淡，加之則津液通流。若不渴，外有微熱，不渴則津液足，去人參，以人參為主，內之物也。外有微熱，則表證多，加桂枝以取汗，發散表邪也。若咳者，肺氣逆也。甘補中，則氣愈逆，故去人參。大棗之甘，肺欲收，急食酸以收之，氣逆不收，故加五味子之酸。蓋咳本於寒，寒氣內淫，則散以乾薑之辛熱。生薑乾薑一物也。生者溫，乾者熱，故以乾易生也。

○果或問：小柴胡湯近世治傷寒發熱，不分陰陽而用之，何也？然柴胡之苦平，乃足少陽經傷寒發熱之藥。半表半裏之熱，除往來寒熱，小有日晡潮熱也。佐以黃芩之苦寒，以退熱。半夏生薑之辛，以退寒。人參大棗之甘溫，以助正氣，解渴生津液，則陰陽和而邪氣解矣。但太陽經之表熱，陽明經之標熱，皆不能解也。如用之，豈曰無害？若夫令陽寒面赤發熱，脈沉足冷者，服之立至危殆，可不慎哉！及內虛有寒，大便不實

脈息小弱與婦人新產發熱皆不可用也

凡柴胡湯病證而下之若柴胡證不罷者復與柴胡湯

必蒸蒸而振却發熱汗出而解誠邪在半表半裏之間

醫便以藥下之若柴胡證仍在者雖下之不為逆可復

與柴胡湯以和解之得湯邪氣還表者外作蒸蒸而熱

先經下裏虛邪氣欲出內則振振然也傷寒中風有

正氣勝陽氣生却復發熱汗出而解也

柴胡證但見一證便是不必悉具柴胡證是邪氣在表

而不嘔或渴或腹中痛或脇下痞鞭或心下悸小便不利或不渴身有微熱或欬但見一證便宜與柴胡湯隨

必待其證候全具也傷寒十餘日熱結在裏復往來寒熱者與大柴胡湯但

結胸無大熱者此為水結在胸脇也但頭微汗出大陷

胸陽主之詳結胸

大柴胡湯方

柴胡五兩半斤

芍藥各參兩

枳實肆枚

半夏半升

生薑伍兩

黃芩

大棗拾貳枚擘

右七味以水一斗二升煮取六升去滓再煎溫服一

升日三服一方有大黃二兩若不加黃恐不為

大柴胡湯也

成方有峻緩輕重醫當臨時斟酌如大滿大實堅有

燥屎者非駛劑則不能泄是以有大小承氣湯之

也如不至大堅滿惟邪熱甚而須攻下者又非承氣湯之可投必也輕緩之劑乃大柴胡湯用以逐邪熱也經曰傷寒發熱七八日雖脈浮數可下之宜大柴胡湯又曰太陽病過經十餘日反二三下之後四五日柴胡證仍在者先與小柴胡嘔不止心下急鬱鬱微煩者為未解可與大柴胡下之則愈是知大柴胡為下劑之緩也傷寒主于可下則為熱有餘應火而歸心苦先入心折熱必以苦為主故以柴胡苦平微寒為君黃芩苦寒為臣內經曰酸苦湧泄為陰泄實折熱必以酸苦故以芍藥枳實為佐辛者散也散逆氣者必以辛甘者緩也緩正氣者必以甘故用半夏生薑之辛溫大棗之甘溫為之使也一方加大黃以

大黃有將軍之號而功專蕩滌必應以大黃為使

○許有人病傷寒心煩喜嘔往來寒熱醫以小柴胡與之不除予曰脈洪大而實熱結在裏小柴胡安能去之仲景云傷寒十餘日熱結在裏復往來寒熱者與大柴胡湯二服而病除蓋大黃蕩滌蘊熱傷寒中要藥王叔和云若不用大黃恐不名大柴胡須酒洗生用有力

○張或問大柴胡若內煩裏實者固宜用也其嘔而下

利者亦用之何也夫治病節目虛實二者而已裏虛者雖便難而勿攻裏實者雖吐利而可下經曰汗多則便難脈遲尚未可攻以遲為不足即裏氣未實故也此以大柴胡主之凡吐利心腹濡軟為裏虛嘔吐而下利心下痞鞭者是裏實也下之當然况太陽病過經十餘日反二三下之後四五日柴胡證仍在者先以小柴胡湯嘔不止心下急鬱鬱微煩者為未解也與大柴胡湯下之則愈然嘔不止而微煩裏熱已甚結于胃中故下之則愈二節病證雖有參差其裏實同一機耳皆與大柴胡者宜也

傷寒五六日已發汗而復下之胃脇滿微結小便不利渴而不嘔但頭汗出往來寒熱心煩者此為未解也柴

胡桂枝乾薑湯主之已發汗而復下之雖不失先發後攻之序及當汗而反下之宜然既

汗之邪當自散若不待其全解及內實而復下之是猶傷於早也烏得不結然已發汗則邪勢已衰雖或失之下早故結亦當微也成註欠明故著之

柴胡桂枝乾薑湯方

柴胡 半斤

括蔞根 肆兩

桂枝 去麁皮 參兩

牡蠣 煨

乾薑

黃芩 各貳兩

甘草 炙 壹兩

右七味以水一斗二升煮取六升去滓再煎取三升

温服一升日三服初服微煩再服汗出便愈

成內經曰熱淫於內以苦寒之柴胡黃芩之苦以解
傳表之邪辛甘發散為陽桂枝甘草之辛甘以散在
表之邪鹹以軟之牡蠣之鹹以消胸脇之滿辛以潤
之乾薑之辛以固陽虛之汗津液不足而為渴苦以
堅之括萋之
苦以生津液

病人脉微而濇者此為醫所病也大發其汗又數大下
之其人亡血病當惡寒後乃發熱無休止時夏月盛熱
欲着複衣冬月盛寒欲裸其身所以然者陽微則惡寒
陰弱則發熱此醫發其汗令陽氣微又大下之令陰氣
弱五月之時陽氣在表胃中虛冷以陽氣內微不能勝
冷故欲着複衣十一月之時陽氣在裏胃中煩熱以陰

氣內弱不能勝熱故裸其身又陰脉遲濇故知血亡也
右脉微因大發汗所致故病當惡寒之時雖盛夏亦
欲着複衣脉濇因大下所致故病當惡寒後發熱之
時雖盛冬亦欲裸其體是皆亡血陽微陰弱不能勝
冷勝熱非是盛夏牽延至盛冬也

今觀其非其益夏率或至益冬出
却蠶益冬亦益其蠶其甘
益膏財示洲壽因大下其姪姪
古視端因大發干而姪姪當
原內觀不消却蠶姪其其又創
人脈微而滑者此為醫所病也
大發其汗又數大下
此非其益夏率或至益冬出
此非其益冬亦益其蠶其甘
此非其益膏財示洲壽因大下
此非其古視端因大發干而姪
此非其原內觀不消却蠶姪其
其其又創

脇滿痛

邪氣傳裏必先自胸而脇以次經心腹而入胃也是以
胸滿多帶表證脇滿多帶半表半裏證如下後脈促胸
滿者桂枝去芍藥湯又太陽與陽明合病喘而胸滿者
不可下宜麻黃湯二者屬表須汗之蓋胸中至表猶近
也及脇則更不言發汗但和解而已經曰設胸滿脇痛
者及胸脇滿不去者與夫本太陽病不解傳入少陽脇
下硬滿乾嘔往來寒熱脈沉緊者俱宜小柴胡和解之
也大抵邪初入裏尚未停留為實但鬱積生滿者和解
斯可矣若留于胸中聚而為實者又非吐下之不可已

傷寒雜論卷之三

陽明病篇第三

九

如發汗若下之煩熱胸中窒者梔子豉湯若胸中痞硬氣上衝咽喉不得息者此胸中有寒瓜蒂散二者均是吐劑又當知梔子吐虛煩客熱瓜蒂吐痰實宿寒也

○太陽病十日已去脈浮細而嗜卧者外已解也若胃滿脇痛者與小柴胡湯脈浮者與麻黃湯○傷寒四五日身熱惡風頭項強脇下滿手足温而渴者小柴胡去半夏加人參括蕁根主之○傷寒五六日中風往來寒熱胸脇苦滿不欲飲食心煩喜嘔或胸中煩而不嘔或渴或腹中滿或脇下痞鞭或心中悸小便不利或不渴身有微熱或欬小柴胡湯主之○傷寒十三日不解胃脇

滿而嘔日晡所發潮熱已而微利此本柴胡證下之而不得利今反利者知醫以丸藥下之非其治也潮熱者實也先宜小柴胡湯以解外後以柴胡加芒硝湯主之○得病六七日脈遲浮弱惡風寒手足温醫數下之不能食脇滿痛面目及身黃項強小便難者與柴胡湯必下重○傳經熱邪脇滿乾嘔大柴胡湯○太陽中風下利嘔逆表解者乃可攻之其人漦漦汗出發作有時頭痛心下痞鞭滿引脇下痛乾嘔短氣汗出不惡寒者此表解裏未和也宜十棗湯

○十棗湯方

傷寒胸滿痛

卷之三

九十六

芫花 炒黑

甘遂

大戟 各等分

右為細末和合之再入白中杵二三百下先以水一升煮肥棗十枚取五六合去渣納藥末強人一錢虛人半錢單飲棗湯送下平日服若下少病不除者明日更服加五分利後米粥調養若合下不下令人脹滿偏身浮腫也昔杜士問孫兆曰十棗湯畢竟治甚病孫曰治太陽中風表解裏未和杜曰何以知裏未和孫曰頭痛心下痞滿脇下痛乾嘔汗出此知裏未和也杜曰公但言病證而所以裏未和之故要緊總未言也孫曰其嘗於此未決願聽開喻杜曰裏未和

者蓋痰與燥氣壅於中焦故頭疼乾嘔短氣汗出是痰膈也非十棗不治但此湯不宜輕用恐損人於倏忽用藥者慎之

陽明病潮熱大便溏小便自可胸脇滿不去者小柴胡湯主之。陽明病脇下鞅滿不大便而嘔舌上白胎者小柴胡湯。陽明中風脈弦浮大短氣腹都滿脇下及心痛久按之氣不通鼻乾不得汗嗜卧一身及目悉黃小便難有潮熱時時噦者小柴胡湯脈但浮無餘證者麻黃湯。本渴而飲水欲嘔者柴胡不可與也食穀者

噦不欲飲水而嘔者柴胡證也。若因水而嘔者水停心下也。

傷寒論卷之五

少陽脇滿乾嘔往來寒熱者屬少陽

方論見往來寒熱前五

厥陰傷寒熱少厥微指頭寒默默不欲食煩躁數日小

便利色白者熱除也欲得食為病愈若厥而嘔胸脇煩

滿者必便血

黃芩芍藥湯小柴胡湯抵當湯

吳緩治脇下痛加枳殼青皮桔梗芍藥脇下硬加牡

蠣粉若增寒拘急往來寒熱而胸脇滿者加桂枝白

芍藥俱小柴胡湯內加之

婦人發熱惡寒經水適來熱除脈遲身涼脇滿如結胸

狀譫語者刺期門

論見譫語前元

吐下汗後脈微心下痞脇痛氣上衝咽眩冒脈動惕者

成痿

論見痿五五

下後脈弦者必兩脇拘急。脇下素有痞

連在臍傍痛引少腹入陰筋者名藏結死

左右者陰陽之道路脇之

部也宿痞在脇則陰陽之道路不通故邪不得傳經而直入于藏是以死也

此書之官氏帝故... 病如柱... 汗若下之而煩熱胸... 不得息者此為胸有寒... 不痛項不強寸... 九十八

厥陰傷寒熱少厥微指頭寒厥熱不欲食煩躁數日
便利色白者熱除也欲得食為病愈若厥而嘔胸脇煩
滿者必便血

吳緩治腸下痛加枳殼青皮積梗芍藥腸下硬加牡
蠣粉若增寒拘急往來寒者而胸脇滿者加桂枝白

芍藥俱小柴胡湯內加之

脈不尋轉強而直人干蕪是也
脈不尋轉強而直人干蕪是也
脈不尋轉強而直人干蕪是也
脈不尋轉強而直人干蕪是也
脈不尋轉強而直人干蕪是也
脈不尋轉強而直人干蕪是也
脈不尋轉強而直人干蕪是也
脈不尋轉強而直人干蕪是也
脈不尋轉強而直人干蕪是也
脈不尋轉強而直人干蕪是也

胸滿

論見前脇滿痛條

內兼脇病者已前見

太陽太陽與陽明合病喘而胸滿者不可下宜麻黃湯

陽受氣于胸中喘而胸滿者陽氣不宣發壅而逆也心
下滿腹滿皆為實當下之此以為胸滿非裏實故不可
下雖有陽明然與太陽合病為屬表是與麻黃湯發汗

中室者梔子鼓湯陽受氣于胸中發汗若下使陽氣不
而胸中室塞與梔子鼓湯足邪熱客于胸中結而不散故煩熱

而胸中室塞與梔子鼓湯足邪熱客于胸中結而不散故煩熱
而胸中室塞與梔子鼓湯足邪熱客于胸中結而不散故煩熱
而胸中室塞與梔子鼓湯足邪熱客于胸中結而不散故煩熱

脈微浮胸中痞鞅氣上衝咽喉不得息者此為胸有寒

也當吐之宜瓜蒂散病如桂枝證為發熱汗出惡風言

若頭項不痛強則邪不在表而傳裏也浮為在表沉為
在裏今寸脈微浮則邪不在表亦不在裏而在胸中胸
中與表相應故知邪在胸中者猶如桂枝證而寸脈微
浮也以胸中痞鞅上衝咽喉不得息知寒邪客于胸中

傷寒論卷之六

九

而不在表也。千金曰：浮上部填塞胸心，胸中滿者吐之。則愈。與瓜蒂散以吐胸中之邪。若氣不上衝，則不可用也。

○太陽病下之，脈促胸滿者，桂枝去芍藥湯。方論見惡寒。

○若脈促不結胸者，欲解也。○下後胸滿，小便不利，若

無煩驚譫語，身重不可轉側者，柴胡加龍骨牡蠣湯。方論見

元驚。○若兼噦而舌胎者，為濕痺。

陽明潮熱，大便溏，小便可，胸脇滿，屬陽明。見脇滿痛。

少陽中風，兩耳無所聞，目赤，胸中滿而煩者，若吐下之

則悸而驚，救逆小柴胡去黃芩加茯苓湯。少陽之脈起

耳中，其支者下胸中，貫膈，風傷氣，風則為熱。少陽中風，

氣壅而熱，故耳聾目赤，胸滿而煩。邪在少陽，為半表半

裏，以吐除煩，吐則傷氣，氣虛者悸。以下除滿，下則亡血，血虛者驚。

○太陰太陰之為病，腹滿而吐，食不下，自利益甚，時腹自

痛，若下之，必胸下結鞭。太陰為病，陽邪傳裏也。太陰之

不得降者，嘔吐而食不下，下不得升者，自利益甚。時腹

自痛，陰塞在內，而為腹滿者，則為常痛。此陽邪干裏，雖

痛而亦不常痛，但時時腹自痛也。若下之，則陰邪留于

胸下，為結鞭。經曰：病發于陰，而反下之，因作痞。○瀉心

湯，理中湯，元不渴，四逆湯。○趙居人第十八問中云：太

陰者，脾之經，主胸膈脹，愚嘗觀成氏明理論云：胸中

至表猶近，所以仲景云：喘而胸滿者，麻黃湯。是屬表而

可汗者也。又云：胸脇滿者，小柴胡湯。屬半表半裏，而可

和解者也。至于太陰，止云腹滿而吐，食不下，時腹自痛

或腹滿而咽乾，由此觀之，可見太陰不主胸上者，明矣。

○少陰病，下利，咽痛，胸滿，心煩者，豬膚湯。少陰之脈從腎

中則循喉嚨，其支別者從肺出，絡心注胸中，邪自陽經

傳于少陰，陰虛客熱，下利咽痛，胸滿，心煩也。與豬膚湯

調陰散熱。○咽痛五方，大能解。

傷寒論卷之六

失之一二

厥陰病人手足厥冷脉乍緊者邪結在胸中心中滿而煩飢不能食者病在胸中當須吐之宜瓜蒂散手足厥冷者邪氣內陷也脉緊牢者為實邪氣入府則脉沉今脉乍緊知邪結在胸中為實故心下滿而煩胃中無邪則喜飢以病在胸中雖飢而不能食與瓜蒂散以吐胸中之邪手足厥冷非脉緊胸痛別之○熱少厥微胸脇煩滿一證已前見

○吳胸滿多用吐法實者宜瓜蒂散虛者宜人參蘆或以香蘇散飲下一甌以手探喉中吐之亦可凡傷寒三四日已傳少陽經脉弦口苦發熱而胸滿宜小柴胡湯若胸中滿悶者加枳殼桔梗各二錢以利之若胸脇滿而煩者加瓜蒌實二錢黃連一錢半○活人

治胸滿氣痞不寬只用枳殼桔梗各二錢生薑五片名曰枳殼湯○凡心之上胸之分宜枳殼心之下胃之分宜枳實蓋枳殼能泄至高之氣枳實能泄至低之氣其瓜蒌仁能瀉肺洗滌胸中痰垢之要藥也故胸滿而煩必加之一法治氣痞胸滿用小麥麩一二升以生枳殼切半同炒令熱去枳殼以帛包熱麩熨胸中頓易熱之則氣易散而愈矣

胸中既良熱之阻，食是錯而愈矣。
 其以主味酸，以半同炒，令熱去，味酸以昂，可煎，後是
 幽，而取必，以之一去，以原，其幽，用小麥，浸一二
 之，原其瓜，薑，二，指，高，胡，武，雜，幽，中，寒，以之，要，藥，也，對
 之，不，宜，味，實，益，味，酸，指，斯，至，幽，之，原，其，實，指，斯，生，為
 各，曰，財，發，是，凡，心，之，上，幽，之，不，宜，其，酸，心，之，下，胃
 以，幽，酸，原，至，不，實，只，用，味，酸，指，斯，各，二，錢，主，薑，二，五，分

胸痛

胸脇痛耳聾尺寸脈俱弦者少陽受病也

論見大法活人云柴胡湯

病胸中諸實，胃中鬱鬱而痛，不能食欲，使人按之而反
 有涎唾，下利十餘行，其脈反遲，寸口脈微滑，此可吐之
 利則止。

吐下後，噎噎欲吐，胃中痛，大便澹，腹滿而煩者，宜調胃

承氣湯

詳嘔氣定

嘔氣定

承氣湯

或用人參

如不效，即服承氣湯，中氣大實，熱氣鬱結，宜隨胃

休頃止。有或重下，休十餘日，其脈又數，下口，神雖昏，此可也。

主之

兩湖，耳聾，只下，脈身熱，皆少陽受病也。人云：柴胡湯

兩湖

耳聾

耳聾有二：一由重發汗虛，一由少陽中風。曾脇痛耳聾，尺寸脈俱弦者，少陽受病也。

未持脈時，病人叉手自冒心，試教令欬而不效者，此必耳聾無聞也。所以然者，以重發汗虛故如此。黃者，建中湯

少陽中風，兩耳無聞，目赤胸滿而煩者，不可吐下，吐下則悸而驚。或用小柴胡湯

少陽與厥陰俱病，耳聾囊縮而厥者，此兩感證。厥陰榮衛不通，耳聾囊縮，不知人危矣。濕溫證治在太陰

不可汗，汗則不能言耳聾，不知病處，身青面色變，名曰

重鳴白虎加蒼朮湯

傾刺而驚柴胡湯

少則中風兩耳無聞目赤面赤而眩暈不可止不可

耳聾無聞也視以熱者以重發汗也收也中風黃芩湯

未辨風邪入又手自冒心精竭今效而不效皆此必

聾只中風耳聾皆少則受風也

耳聾有二一由重發汗也一由少則中風。曾胡戴耳

耳聾

陽毒

陽毒之證初受病時所加邪毒深重加以當汗失汗當下失下或吐下後邪熱乘虛而入誤服熱藥使毒熱散漫如抱薪挾火無不延燎至於六脉沉實舌卷焦黑鼻中如烟煤身面錦斑狂言直走踰垣上屋登高而歌棄衣而走皆其證也五日可治六七日不可治

升麻鼈甲湯 治陽毒為病面赤斑斑如錦紋咽喉痛

唾膿血

升麻 貳兩

甘草 各壹兩

當歸

鼈甲 手拮大壹片

蜀椒 炒去汗

雄黃 半兩

右六味以水四升煮取一升頓服之取汗愈肘後千
金方陽毒升麻湯有桂無鼈甲陰毒甘草湯無雄黃

附

陽毒升麻湯治傷寒一二日便成陽毒或服藥吐下
之後變成陽毒腰背痛煩悶不安面赤狂言奔走或
見鬼或下利脉浮大數面赤斑斑如錦紋咽喉痛下
五日可治七日不可治

麻

犀角 錫

射干

人參

甘草 各等分

右咬咀水煎服食頃再服温覆手足出汗解不解重

作

陽毒梔子湯

治陽毒傷寒發熱百節疼痛

升麻

黃芩

杏仁

石膏 各貳錢

梔子

赤芍藥

知母

大青 各壹錢

甘草

伍分

柴胡

壹錢半

右咬咀每服半兩薑五片豉百粒同煎

大黃散治陽毒傷寒未解熱在內恍惚如狂

大黃

壹兩半

桂心

柒錢半

甘草

炙

芒硝

大腹皮

木通

各壹兩

桃仁

貳拾壹枚

右咬咀水煎服以利為度

海葛根散 治陽毒身熱如火頭痛躁渴咽喉乾痛

葛根 朱錢半

黃芩

大黃 醋炒

甘草

梔子

朴硝 各半兩

右咬咀水煎服

活黑奴丸 治時行病六七日未得汗脉洪大或數面

赤目痛身體大熱煩躁狂言欲走大渴甚又五六日

已上不解熱在胸中口噤不能言為壞傷寒醫所不

治或人精氣已竭心下尚煖撥開其口灌藥下咽即

活煎治陽毒及發斑

麻黃 去節泡 參兩

大黃 貳兩

金底煤 研

黃芩

芒硝

竈突墨 研

梁上塵

小麥奴 各壹兩

右為末煉蜜丸如彈子大新汲水研下一丸渴者與

冷水盡飲之須臾當寒寒竟汗出便瘥若無汗再服

一丸須微利效小麥奴即小麥未熟時叢中不成麥

捻之成黑勃是也此藥須是病人大渴倍常躁盛者

乃可與之若不渴者服之反為禍耳

脉洪大內外結熱舌卷焦黑鼻中如烟煤以水漬布薄

之疊布數重新水漬之稍撥去水搭於胸上須臾蒸熱

又漬冷如前薄之仍換新水數十易熱甚者置病人於

水中勢纔退則已亦一良法也

丹砂丸 治傷寒陰陽二毒危惡形證

船上硫黃

水銀

太陰玄精石

太陽石

各壹兩

硝石

半兩

右為末用無油銚子以文武火炒上項藥令勻如灰色研極細生薑自然汁浸炊餅丸如棗豆大每服五丸龍腦生薑蜜水下壓其躁也若陽毒棗湯下陰毒白湯下不許於屋底炒

白虎加人參名化斑湯 斑盛者青黛一物湯 咽痛

玄參升麻湯

青黛一物湯

青黛

如棗大壹塊

用新汲水研服

玄參升麻湯

升麻

玄參

甘草

各半兩

水三盞煎一盞半去滓服

○陶陽毒傷寒服藥不效斑爛皮膚手足皮俱脫身如

塗硃眼珠如火躁渴欲死脉洪大而有力昏不知人

宜三黃石膏湯主之或升麻梔子湯吐之○若熱甚

時狂時昏口噤咬牙藥不可下者用水漬法候牙寬

狂亂稍定投藥亦良如黑奴死不可輕用

○活陽氣獨勝陰氣暴絕必發躁狂走妄言面赤咽痛
 發斑或下利赤黃脉洪實或滑促宜酸苦之藥救
 陰陽毒輕者桔梗大黃湯 陽毒升麻湯 梔子
 仁湯 又龍膽草一物湯

○趙陽根于陰陰根於陽無陽則陰無以化無陰則陽
 無以生可見兩者不能相無也又仲景云陽氣先絕
 陰氣後絕此人死身色必青陰氣前絕陽氣後竭此
 人死身色必赤則知陰陽二氣在人身中不可偏絕
 絕則無復生之理今活人書論陰毒而曰陽氣絕論
 陽毒而曰陰氣絕既絕矣是為不治之證又何藥焉

蓋陰陽二證之深重也又挾毒氣是為陰毒陽毒故
 其藥皆用升麻犀角雄黃大青輩以解其毒然後陽
 毒泄而陰氣復陰毒泄而陽氣復大汗出而解矣活
 人書何不曰陽氣極盛陰氣極微為陽毒陰氣極盛
 陽氣極微為陰毒庶不為極絕之證

九種毒朱七月三物林卷一

文化乙

傷寒證治準繩帙之三

